

KGAKGAMATŠO

 Ke a go leboga, ngwanešu. Ke a go leboga. A re inamišeng dihlogo tša rena bjale bakeng sa lentšu la thapelo. Gomme ka dihlogo tša rena di inamišitšwe, ke a makala ke ba bakae ba ka ratago go gopolwa ka thapelong, e no e dira e tsebje ka wena o emišitše seatla sa gago.

² Tate wa rena wa Magodimong, ka go kokobela re tla go Wena, Morena, re ipolela gore ga re na maswanedi a go tla. Eupša ka lebaka la gore Jesu o re diretše tsela le go lefa tefo, kagona, re ka tla ka sebete go Terone ya mogau, mo nakong ya tlhoko. Gomme bjale, Morena, bjalo ka ge re le fa go hlagiša Ebangedi, mahumo a go puruputseg a Kriste, re hloka Wena, Morena.

³ Gomme go ka no ba yo motee a dutšego mo, Tate, yoo O lekago go mo ruta ka tsela ye kgolo, gore O ke o ba romele felotsoko, go thomo ye kgolo yeo O e rerilego. Ke a rapela, Tate, gore ge go le bjalo, gore bošego bjo, gore, morero wa Gago o tla phethagatšwa. Gomme re thuše ge re itliša renabeng go Wena bakeng sa tirelo.

⁴ Bjale, Wena o bone diatla tšohle, gomme o lebeletše go le bjalo go tše di lego godimo. Wena o tseba se se hlokegago. Gomme ke a rapela gore O tla se fa, Tate. Ke neela thapelo ya ka le thapelo ya bona, le ditlhologelo tša bona le ditlhologelo tša ka, godimo ga Aletara ya gauta moo sehlabelo sa rena se letšego bošegong bjo. Leineng la Morena Jesu, re a rapela gore O tla ngwatha Borotho bja Bophelo, go rena, go tšwa go Lentšu la Gago. Amene.

Le ka dula.

⁵ Ke maswabi go no ba thari gannyane, feela ke kwešišitše gore bošegong bjo e be e no ba tha—tha thari gannyane, tirelo e be e kitima feela thari gannyane. Gomme re tla e lokiša, le go tšwela ntle feela ka pela ka mo go kgonegago. Bjale re nyaka go batamela Lentšu, bošegong bjo, le ka tšohle tše di bego di le ka go rena.

⁶ Ke a tseba le mo, lena, ba bangwe ba baopedi ba bakaone ba ke... Mel Johnson, bakeng sa yo motee, yo ke tsebago o dutše mo. Ke mo kgopetše go opela, bakeng sa rena, pina yela ye ke no se kgonego go e tloša monaganong wa ka. Kgafetšakgafetša ke a e hama, ka ga, “meokgo e etla e kitimela tlase.” Ke—ke rata yeo. Gomme ke nagana o ya go opela mo difihlolong tša Banna ba Kgwebo, goba felotsoko, go rena.

⁷ Jim, ke nyaka gore o be le nnete gomme o nkhweletše yeo. Gomme ge o na le theipi ye nnyane, mpeeple yeo, ka go ikgetha, kafao bana ba ka ba nyaka go e kwa. Ge ke le mohuta wa go ya

fase gannyane, ke—ke—ke kwa yeo, e ntira go ikwela gabotse, go kwa moopelo wo mobotse. Gomme, Billy, ke ya ka ofising tlase kua, gomme kgafetšakgafetša o na le tšona ditheipi tša go opela go yeng nako yohle, gomme ke nagana e mohuta wa go mo thuša.

⁸ Le a tseba, go na le se sengwe ka pina, ye e nago le maatla ka go yona. Bohle re tseba seo. Re—re lemoga seo. Le a bona? Ke gore, lebelelang masole, ge ba opela dipina le go bapala mmino. A le tseba go batamela go ntwa, ka sešoleng sa Modimo, sa pele ke mmino? Baopedi ba ile pele ga areka, ba thakgetše le go opela; morago go tlile areka; gomme morago ntwa. Yeo ke nnete. Kafao, yeo ke go batamela ga maleba.

⁹ Gomme ke ka lebaka leo re tlago ka tirelong mo bošegong. Re dira eng? Re opela dipina tša Morena; gomme morago Areka, Lentšu, re bala Lentšu; gomme morago ntwa, ka gona re—re ka gare. Kafao difolaga tše kgolo di a fofa, bošegong bjo; Leina la Jesu Kriste, Morena Modimo a ka phagamišwa, lenaba le ka kitimišwa.

¹⁰ Gomme, Modimo, thopa phenyo bošegong bjo, gomme phološa disoulo, fodiša balwetši le batlaišwa; dira bale, ba ba lapilego le go kobama, go phagamišetša dihlogo tša bona godimo le go hlalala, hwetsa letago le legolo go Yenamong. Ka gore re kgopela se Leineng la Morena Jesu.

¹¹ Ke nyaka le phetle, bošegong bjo, le nna, ge le na le Beibele ya lena, gomme dinako tše dingwe batho ba no maraka hlogotaba ye nnyane yeo badiredi ba boleLAGO ka yona. Go be go fela go eba gore ke kgona go nagana ka tše thwi ka pela, ntle le ebile go di ngwala fase. Eupša ka morago ga ge ke sa tšwa go feta masomepeditlhano, ka baka la eng, dikgwedi di se kae tša go feta, Ke ra lekga la bobedi, gomme kafao go e dira ye thata gannyane go nna go elelwa. Ke rwala mabadi a mantši go tšwa dintweng. Gomme ge re tšofala, re no se nagane boka re be re le, gomme ke ne . . . Ge ke lebelela Lengwalo le go bona, gona ke elelwa se sehlogo se logo.

¹² A re phetleng go Joshua, tema ya 10, go thoma go bala go temana ya 12.

*Morago go boletše Joshua go MORENA mo letšatšing
ge MORENA a gafetše Baamoro pele ga bana ba Israele,
gomme o rile pele ga Israele, Letšatši, ema go šišimala
wena godimo ga Gibeone; gomme . . . Ngwedi, godimo ga
moedi wa Ajaloni.*

*Gomme letšatši la ema go šišimala, gomme ngwedi
wa dula, go fihla batho ba itefeditše bonabeng godimo
ga manaba a bona. A se ga sa ngwalwa ka go puku
ya Jasher? Kafao letšatši le eme go šišimala gare ga
legodimo, gomme la se hlaganele go dikela e ka ba
letšatši ka moka.*

*Gomme ga se gwa ke gwa ba letšatši la go swana le leo
pele ga lona goba morago ga lona, mo MORENA a kilego
a kwa lentšu la motho: ka gobane MORENA o be a lwela
Israele.*

¹³ Morena a oketše ditšhegofatšo tša Gagwe go go balwa ga Lentšu la Gagwe. Ke nyaka go tše hlogotaba go tšwa fao e ka ba metsotsø ye masometharo, ge nka kgona go e swara go yeo: Kgakgamatšo. Go no šomiša lentšu le tee leo: *Kgakgamatšo*.

¹⁴ Bjale go ya ka Webster, *kgakgamatšo* ke “se sengwe se se bonalago se sa kgolwegego, eupša ke therešo,” kagona kgakgamatšo gona e tla swana le mohlolo. Kgakgamatšo ke ge se sengwe seo—seo se bonalago o ka re se ka se kgone go ba, tse—tse tsebo ya monagano wa motho; e no se kgolwege moka, eupša efela e netefaditšwe go ba therešo. Bjale, mohlolo e tla ba selo sa go swana, ka gore mohlolo o ka se hlalošege. Mohlolo ke se sengwe se se diregago, gomme o ka se kgone go se hlaloša, seo se e dira kgakgamatšo. Ga e kgolwege, eupša go le bjalo ke therešo.

¹⁵ Bjale, batho lehono, bontši bja basebjalebjale, ba dumela gore matšatši a mehlolo a fetile. Ga ba dumele gore go na le selo se se bjalo ka—ka mohlolo. Eupša, efela, ke a dumela gore lefase le tletše mehlolo. Ke a dumela kgakgamatšo ke kgafetšakgafetša.

¹⁶ Mohlala, ke a dumela gore leloko le lengwe le le lengwe le tswetšwego gape la Mmele wa Kriste ke kgakgamatšo go bonabeng. Ke a dumela yo mongwe le yo mongwe wa lena Methodist le Presbyterian le Lutheran, bao ba sego ba ke ba itemogela kolobetšo ya Moya wo Mokgethwa, e be e le ka go kereke tsoko ye fomale yeo e sa dumelogo ka go Tswalo ya mmapale ye mpsha, gomme bjale o amogetše kolobetšo ya Moya wo Mokgethwa, ke mohlala wa go phethagala wa kgakgamatšo. Gobane, se sengwe se diregile go wena, seo se fetotsegó bowena bja gago ka moka, gomme yo mongwe le yo mongwe o be a ka kgona go lebelela seo gomme a tseba gore kgakgamatšo ke eng: mohlolo.

¹⁷ Ntle le ge seo se direga, o ka se be Mokriste. Go swanetše go ba kgakgamatšo, go wena go ba Mokriste. Gobane, ga go yo a ka kgonago—kgonago go fetola moya ka go motho, le go mo fa Tswalo ye mpsha, ka ntle ga Modimo. Modimo a nnoši ke Yena a nnoši a ka kgonago go e dira. Gomme ke mohlolo ka fao gore Modimo a ka kgona go tše go nagana ga motho, le ditsela tša gagwe, le bophelo bja gagwe, le se sengwe le se sengwe, le go bo fetola go tloga go se e bego e le sona, go ya go se bo ka bago sona, se A ka kgonago go se dira.

¹⁸ Mohlala, matšatši a se makae a go feta, ke be ke bileditšwe ka gare go le—le lefelotiragalo, goba go se—se sengwe se sennyane se eya pele. Go be go le lesogana le lekaone, mošemané yo mokaone kudu, o be a sepela le mosetsana yo monnyane, mosetsana yo

mokaone kudu go tšwa lapeng le lekaone. Gomme mošemane yo, ka pelapela, o tlide godimo ka mohuta tsoko wa kgopololo, gomme o nno sepela. O dirile se sengwe sa phošo go mosetsana yo monnyane, le bontši bjo a mo tshepišitšego go dira selo se se itšego gomme morago a se se dire. Gomme go na le go tla go mosetsana le go kgopela tshwarelo, go swana le mo—mo mokgomana a swanetšego go dira, yena, go be go no se be ka go yena go e dira.

¹⁹ Gomme tate le mme ba mpileditše go lefelotiragalo, gomme ba rile, “Re tla hlologela go tseba se e lego phošo ka mošemane wa rena.”

²⁰ Bjale, ga go bonolo go dira nako ye nngwe, eupša o swanetše go ba therešo le go botega. Kagona, mošemane o be a le Mokriste, bokgole bjo go ba modumedi. O be a sokologile gomme a kolobeditšwe, gomme a na le maemo a gagwe magareng ga badumedi, eupša efela ga se a amogela kolobetšo ya Moya wo Mokgethwa, ga go kgathale o naganne bontši gakaakang o bile le wona.

²¹ O nagana o na le, le go ba le Wona, ke dilo tše pedi tša go fapano. O ka no ba o kgona go leka gore o na le, gomme o ka no ba o kgona go laetša bohlatsela bjo bongwe bja maikutlo a itšego; eupša ntle le ge bophelo bja gago bo hlatsela se o bolelago go ba le sona, go le bjalo ga o na le Wona. Ga go kgathale ke maikutlo a makae, ke gakaakang bontši o tabogago, o kitimago, maikutlo, go bolela ka maleme, goba go goelela, goba e ka ba eng o ka e beago godimo ga yona; ye e lokilego, ke dumela go tšohle tše, le nna; eupša ntle le ge bophelo bja gago bo sepela le bopaki bja gago, gona ga o na Wona. Ka baka la gore, kenywa ya Moya e hlatsela se o lego sona, go no swana le kenywa ya mohlare wo mongwe le wo mongwe e bolela se o lego sona. Jesu o rile, “Le tla ba tseba ka kenywa ya bona.”

²² Bjale, batswadi ba moisa yo moswa yo. Mmagwe ke Mojeremane. E se ponagatšo go Mojeremane, eupša go na le ngangegoo ka lapeng leo. Gomme, ke gore, ba tla no dula, gomme o ka kgona go bolela le bona, gomme ba tla no go tsepelela thwi ka sefahlegong. Ba na le... Samme wa mosetsana yo, mme wa mošemane yo, samme wa gagwe. Ke tlide go theoga mokgotha, mosong wo montši, gomme mohumagadi yo moswa yo a dutše ntle ka jarateng, gomme ke tla re, “Moso wo mobotse, go wena.” O be a tla no ntebelela. Gomme ke be ke tla ema, gomme ke be ke tla re, “Nnete moso wo mokaone.” O be a tla no ema, a go lebelela thwi; mosadi yo bohlale. Gomme ke be ke tla re, “Etlala godimo go re bona nako ye nngwe.” O tla no ema le go lebelela. Gabotse, bana babo ba ka tsela yeo, tate le mme ba ka tsela yeo.

²³ Bjale tate wa mošemane, ke Moirish ka thata, ba setenego, ba sebefedi sa godimo, ba pelwapelwana ya godimo. Leo ke lapa la

gabo ka moka ka mokgwa woo, ntle le yo motee go tšwa lapeng, a sokologilego. Bjale ka go se, mošemane yo . . .

²⁴ Tate yo le mme, bobedi ke Bakriste, ba tladitšwe ka Moya wo Mokgethwa, gomme ba godišitše lesogana le ka tsela ya Morena. Gomme bjale lesogana le ka ba lesomešupa goba lesomeseswai la mengwaga bogolo, se sengwe go bapa fale, segotlane se sekaone kudu, gomme o—o be a le mošemane wa mohuta wa kgontha kua gae, segotlane se sebotsana. Gomme o na le ngwanaboo yo a nogo go fapano.

²⁵ Eupša basetsana, lapa la mme, le phela kgauswi le . . . kereke ye kaone. Eupša a le nagana ba ka tsoge ba tla godimo kua? Aowa. Gomme ba a tseba Ke nnete, eupša go no se be ka go bona go—go kgopela tebalelo goba go kgopela tshwarelo. Ba no se e dire. E no se be ka go bona.

²⁶ Bjale ditlhako ka go tate le mmago mošemane yo, ga go kgathale ba sokologile bontši gakaakang, di sa dutše nama yeo e tswakilwego ka go mošemane yo. Ka fao, mošemane o na le letsvalo ka go yena, go no swana le go tšwa go lapa la mmagwe, gomme ga ba lebalele, ba ka se kgopele tshwarelo, gomme fao ke mo mošemane yola a emego.

²⁷ Bjale, ke rile go tate, “Ga go kgathale o mo godišitše bontši gakaakang . . .” Ke rile, “Bjale itebelela, go tšwa lapeng la geno: bona bohole, matagwa, le—le go lwa, le go thunya, le go sega, le go ya pele.”

²⁸ “Bjale lebelela lapa la geno,” go mme. “Ke bona sehlopha sa batho, ba no dula fale gomme ba ka se bolele, ba ikeme kudu, le go ya pele, ntle le tlhompho go bodumedi. Eupša,” ke rile, “ga se wena. Ke wena o nnoši wa bosamme le dikgaetsedi tša gago bohole, gomme o yo mobose, yo botho, le go lebalela. Ke eng e dirago seo? Gomme wena o mohlare, karolo ya mohlare wola wa lapa, efela o amogetše Moya wo Mokgethwa. Seo ke selo se se go dirilego yo boleta le yo mobose. Ga e sa le batho ba geno gape, ke Kriste wa gago yo a phelago ka go wena.”

²⁹ Ke rile go mošemane, “Lebelela lapa la geno, ka kgonagalo bohole ba bona ke matagwa, le go ya pele.” Ke rile, “Le ka fao setenego, le—le sebefedi sa godimo le pelwapelwana ya godimo le manganga a godimo, eupša ga o bjalo. O yo botho, o a swarela. Ke eng? Moya wo Mokgethwa. Ga o sa le se o lego sona; ke Kriste ka go wena.” Ke rile, “Bjale selo sela sa go swana se swanetše go direga go morwa wa gago.”

³⁰ Gomme tate o emeletše gomme o rile, “Morwa wa ka o ile aletareng. O ile a kolobetšwa ka go nepagala, Leineng la Jesu Kriste, le kolobetšo ya meetse ka mogobeng.” O rile, “Ke a tseba morwa wa ka o tlide go Kriste.”

³¹ Ka re, “Seo se ka no ba ka moka gabotse, ka moka mesepelo ya ka ntle. A ka no tsebjja bjalo ka modumedi le badumedi. Eupša go fihla ge a bopša gape, a tswalwa gape, ke tla eletsa

lesogana go se tsoge la nyala mosadi. O tla mo direla Hele mo lefaseng, go fihla wola wo bonolo, wo bose, Moya wa Kriste wa go lebalela o etla ka gare. Gona seo e tla ba kgakgamatšo ka go sonamong, go tsea yona tlhago ya mošemané yo a tswetšwego gare ga tate le mme. Gomme efela, ka go bohlale bja gagwe, o leka bokaonekaone bja gagwe go e fenya. A ka se kgone go e dira. A ka se tsoge a e fenya. Kriste o tla swanelo go e fenya. Ge a dumelela Kriste ka gare, gona o šetše a fentše nako yeo. E tla ba kgakgamatšo ya go phethagala, ge motho a tswetšwe ke Moya wa Modimo.

³² Ke bone baswaswalatši ba ema kgole le go dira metlae, le go tswelapele, ka tsošeletšo ya Moya wo Mokgethwa. Gomme ka morago ga lebakana, Modimo o swara monna yola wa go swana gomme a mo fetola, gomme šo o eme thwi ka phuluphithing a rera selo sa go swana seo a kilego a se hloya. Ke kgakgamatšo, ka fao gore Modimo a ka kgona go tsea mosedumele le go dira modumedi go tšwa go yena.

³³ Bjale ke a makala, ge monna a nagana gore mehlolo e fetile, ke a makala ke mohuta ofe wa sehlare sa saense o ka kgonago go fa motho yo bjalo go fetola boemo bjoo ka go bona, go ntšha lehloyo le kgalefo le tshele, ntle? Ga go yo motee a ka kgonago go e hlaloša. Eupša ke kgakgamatšo, gobane ke mohlolo wa Modimo. Ge motho a fetolwa go tšwa go motho yo a lego yena, go ya go sebopiwa se seswa ka go Kriste Jesu, o ba tlholo ye mpsha. Yena ga a sa le se a bego a le sona. Yena ka go felela ke tlholo ye mpsha ka go Kriste.

³⁴ Lefase le lonamong, le re phelago go lona, ke kgakgamatšo ka go felela, ka fao le bopilwe. Re hwetša, ka go Bahebere tema ya 11 gomme temana ya 3, gore, “Lefase le foreimilwe mmogo ke Lentšu la Modimo.” Modimo o hweditše kae materiale go dira lefase le? O le dirile bjang? Beibele e bolela gore le “bopilwe le go foreimiwa mmogo.” Sohle sebopego sa lona le karolo ya lona e beilwe mmogo ke Lentšu la Modimo. Ge seo e se kgakgamatšo, ga ke tsebe mo e lego. Re ka kgona go tšweletša kae le go re O hweditše materiale, mola go be go se materiale? O ile a swanelo go o bolela go ba gona. Ke kgakgamatšo, gore lefase le le gona bošegong bjo.

³⁵ Selo se sengwe, ke kgakgamatšo ya ka fao le dulago ka obiting ya lona, le lekeletše ka lefaufaung. Le ka kgona bjang go lekelela fale ka go lefelo le tee lela, go dikologa ka tsela *ye*, e ka ba dimaele tše makgolo a lesometee ka iri? Masomepedi nne goba dimaele tše dikete tše masomepedi tlhano go dikologa, le go ya go dikologa diiri tše dingwe le tše dingwe tše masomepedi nne, go phethagala kudu ga le foše motsotswana. Go retologa go phethagala bjalo, goo kaonekaone go feta... Bokaonekaone go feta dimaele tše sekete ka iri, le retologa go dikologa ka mokgwa *wo*, le lekeletše ka lefaufaung. Ge le ka ya godimo goba tlase, e ka ba eng, gonganeng, nna, le tla—le tla šitiša tshepedišo ka moka

ya tshepedišo ya letšatši ya Modimo. Gomme le ya go dikologa ekhweita, go dikologa obiti ye mentši kudu, nako ya ngwaga, ga le ke le šitwa, dihla feela tlwa.

³⁶ Mpotšeng se se le swerego godimo kua, se se e retollago go phethagala bjalo ka nako. O ka kgona go hwetša sesupanako; ga ke tsebe gore o ka lefa bokae bakeng sa se tee, ditolara tše sekete; gomme sesupanako sela, mo sekgaleng sa kgwedi, se tla lahlegelwa ke metsotso. Ga ba na le selo se se ka kgonago go šoma ka go phethagala kudu, eupša go le bjalo lefase le le retologa ka go phethagala. Ka baka la eng? Ke Modimo a le dirago. Ke kgakgamatšo. Modimo o le laetše go dira seo, gomme le a e dira.

³⁷ Go reng ka ngwedi? Efela dimilione tša dimaele kgole go tloga lefaseng, gomme efela o—o laola diphulawatle lefaseng. Dimilione tša dimaele kgole, khuetšo ya wona, ya go ema sekgaleng sa wona. Go emeng ka obiting ya wona, o huetša lefase. Polanete ye nngwe le ye nngwe e huetša ye nngwe, ka go dula lefelong la yona.

³⁸ Oo, a theroye nka kgonago go e tšea go tšwa mo, thuto! Ka fao gore se sengwe le se sengwe sa dibopiwa tša Modimo se tla dula lefelong la sona, se tla huetša se sengwe. Eupša re ya thoko go mantladima tsoko felotsoko, le go bopa mokgatlo le go ikaroganya renabeng, o ka re ga re na le tumelo, gomme ka gona re na le tshepedišo yohle ya Bokriste e hlakahlakane. Ge motho yo mongwe le yo mongwe a ka dula lefelong la gagwe, e tla ba kgakgamatšo ya Modimo, go bona ka fao Modimo a ka tlišago Mapresbyterian, Malutheran, Mabaptist, Mamethodist, Makatoliki, le bohole mmogo. Ge re ka tla morago go Lentšu la Modimo, e tla ba kgakgamatšo ka kgonthe. Gomme gona kereke ka moka e kgonne go dumelelana, e sego godimo ga dithutotumelo tša lena le go ya pele, eupša godimo ga Lentšu, ka tsela ye Le ngwadilwego. Gobane, “Lona ga se la tlhathollo ya sephiri,” go bolela Lengwalo.

³⁹ Kafao ngwedi wola o huetšago lefase! Fa e se kgale botelele, mogwera wa ka, moagišani wa ka, o be a epa mašoba bakeng sa didiba tša oli, tlase ka nageng ya Kentucky. Gomme ge ngwedi wola o thoma go rotoga godimo fale, phulawatle yela e tla ka gare tsela yohle go kgabaganya go kgabola lefase. Meetse a le a letsawai, tlase ka moleteng mo ba borilego, a tla tsogela godimo ge ngwedi wola o etla. Ga go kgathale, ge e le tlase makgolo a dikgato ka tlase ga bomorago bja . . . goba bogodimo bja lefase fa. A ya fase makgolo a dikgato, go le bjalo, ge ngwedi wola o retologa go dikologa, meetse ale a rotoga go kopana le wona. A dirile.

⁴⁰ O ka se kgone go uta e ka ba eng, ge Modimo a e laetše. E swanetše go obamela Modimo, ge Modimo a efa taelo ya Gagwe. Ke ka lebaka leo ke tsebago O tla ba le “Kereke ntle le sepatsso goba ntle le lengalatsepa,” Modimo o e laetše bjalo. E tla swanela

go obamela. Modimo o tla ba le yona, gobane Lentšu la Modimo le boletše bjalo.

⁴¹ Kafao maphotho, ngwedi, le se sengwe le se sengwe, a huetša ditiro tša lefase! Wena tšea . . .

⁴² Re bona naledi e thunyago, re e bitša naledi. Yeo ga se naledi e thunyago. Ke seetša. Nnete, re tseba seo, eupša re se bitša naledi. Naledi yeo e be e ka se kgone go šuthela bokgole bjoo. Ge naledi e tee e ka sepelela ka ntle ga obiti ya yona, go molaleng e tla huetša se sengwe le se sengwe ka ntikodikong, ka go legohle ka moka. E tla dira. E tla tsenatsena. Se sengwe le se sengwe se swanetše go dula lefelong la sona, gore se boloke tshepedišo ya Modimo e sepela.

⁴³ Kafao re swanetše go dula lefelong la rena, re swanetše go dula bjalo ka barwa le barwedi ba Modimo. Ge re ka be re se ra tsoge ra wa morago fale, selo se ka be se dikologa, go ka be go se gwa ke gwa ba lehu goba selo gape. Eupša a go lebogwe Modimo, kgakgamatšo e etla, ge Modimo ka Boyena a tla mmea morago lefelong mo a bego a swanetše go ba gona. Ee, kgakgamatšo.

⁴⁴ Monna yo a sa dumele go—go kgakgamatšo, gomme a sa dumele go mehlolo, o ka kgona bjang go lokafatša bohlale bja gago, gomme o lebeletše ka go sefahlego sa dilo tše o sa kgonego go di hlaloša? Ga go kgonege ka go felela go motho e ka ba mang go hlaloša ka fao lefase le ka kgonago go itikološa ka bolona gomme la boloka nako ya go phethagala, le (go ya go ile) tshepedišo ka moka ya letšatši le dilo tše, le ka fao ngwedi o ka huetšago lefase. Gomme ke dilo tše dingwe tše kae re ka di bolelago!

⁴⁵ Ka fao mo—mo mohlodi mo ka lehlabula la ngwaga o tla yago tlase ka modung wa mohlare, ntle le bohlale e ka ba bofe go o kitimišetša tlase kua, go tliša morago ka seruthwane sa ngwaga, le bophelo bjo boswa, gobaneng, ke kgakgamatšo. Ga go yo motee a ka kgonago go e hlatholla. Ga re tsebe ka fao e dirwago. Eupša Modimo o a e dira, kagona ke kgakgamatšo, kgafetšakgafetša. Ke sephiri ka fao Modimo a dirago seo. Re e lebelela kudu go fihla e eba ya tlwaelo kudu. Re lebelela bokagodimo ga ntlhora ya yona.

⁴⁶ Gomme seo ke se e lego bothata ka (rena) batho ba Pentecostal. Re bone Modimo a dira dikgakgamatšo tše dintši kudu go fihla go eba feela tlwaelo gore ebile re nagana ka yona. Ge re ka no ema motsotso le go ela hloko! Modimo o mogohle. Modimo o—o a diragatša. Gomme tšupanako ya Gagwe ya nako ya kgale e betha thwi go dikologa, go fihla mafelelong o tla ya thwi ntle ka go Bokagosafelego, gobane Modimo o e tshepišitše go dira seo. Bjale re a tseba gore go ne kgakgamatšo.

⁴⁷ Bjale, morago ka matšatšing a Noage, pele pula e etla, le meetsefula. E be e le se—se selo se boima go Noage, ka go lebakla le legolo lela la bohlale a phetšego ka go lona, go leka go botša

batho, ka lentšu la Modimo, gore e be e eya go na. Bjale go tla ba, ntle le pelaelo, gore ga se go kgotsofatše ma—ma maswanedi a diphatišišo tša bona tša saense. Go be go se pula ka mafaufaung. Eupša, le a bona, Noage o rile fao go tla ba pula ka baka la gore Modimo o rile go tla ba pula. Gomme Noage, ka tumelo, pele pula e ka tsoge ya tla, o rile e tla ba gona.

⁴⁸ Ke ka lebaka leo re bolelago selo sa go swana. Gore, ba re, “Gobaneng, Jesu, ba rile O be a etla kgale kudu. Makgolo a mengwaga a go feta, ba tleleimile gore O be a etla. Baapostola ba boletše bjalo; mohlomongwe moloko wa bona.” Seo ga se e emiše le gannyan. Re sa tseba O etla. E ya go ba bjang? Ga ke tsebe. Eupša Modimo o tla Mo romela. O tshepišitše go dira, gomme ke a tseba O tla ba mo.

⁴⁹ Bjale, Noage o kgonne feela go re, “Modimo o boletše bjalo.” Eupša, le a bona, gona, morago ga tšohle, ga se go kgotsofatše tumelelo ya bona ya saense mo letšatšing leo. Eupša ge nako e etla go Lentšu go phethagatšwa, e ile ya na, go no swana. Seo e be e le kgakgamatšo ka letšatšing leo, go nagana gore pula e ka kgona go tšwa lefaufaung, moo go sego pula.

⁵⁰ Eupša ge Modimo a tšewa mo Lentšung la Gagwe, O kgona go dira, go dira kgakgamatšo. O kgona go dira mohlolo. Gomme motho e ka ba mang yoo a tswetšwego ka Moya wola wa go swana woo o dirago mehlolo, gobaneng, ke selo se bonolo go yena go dumela mehlolo, gobane ke yena karolo ya Modimo. Amene.

⁵¹ Morwa le morwedi wa Modimo; e segó ka kerekeliéna, e segó ka thutotumelo, e segó ka go šíšinya seatla; eupša ka tswalo, gore o hwile go mahlale a gago mong, gomme o tswetšwe ke Moya wa Modimo. Gomme o kgakgamatšo, wenamong, ka fao gore o fetogile go tloga lehung go ya Bophelong. Go tšwa go bowena bja gagobja ka garegare ke tlholo ye mpsha ka go Kriste Jesu. Ke kgakgamatšo.

⁵² Modimo o bolela Lentšu la Gagwe, bana ba Gagwe ba a le dumela le Modimo. Saense ga e kgone go netefatša ka fao e ka go dirwa; ga ba tsebe selo ka yona. Eupša bana ba a e dumela, go le bjalo, gomme ka gona Modimo o diragatša kgakgamatšo, o e dira bjalo. Go e dira bjalo, ka gobane Lentšu la Gagwe leo le boletšego lefase go beng gona, le ka tliša, a ka kgona go dira lentšu le lengwe le le lengwe, leo A kilego a le tshepiša, go tla go phethega.

⁵³ Ke ka lebaka leo Abraham a segó a tekateka go tshepišo ya Modimo, ka gosedumele, eupša o be a fenyegile ka botlalo gore O be a kgona go dira le go boloka se A rilego O tla se dira. Ga se a tekateka go tshepišo ya Modimo, a le mengwaga ye lekgolo bogolo, gomme Sarah masomesenyane, go ba le lesea le. Ka baka la gore o tsebile gore Modimo o be a ka kgona go dira gomme (go dira) go ba le kgakgamatšo go direga go se sengwe, mohlolo go direga, gomme O e dirile.

⁵⁴ Bana ba Bahebere. Bjale le ka dira bjang saense go dumela lehono gore motho a ka ya ka leubeng? Oo, ke be ke tla boifa go bolela gore ke Kelophišo ye kae e bego e fiša; eupša ba kgonne go ya ka leubeng lela morago kua, ka go Puku ya—ya Daniele, le go dula ka leubeng lela go fihla ba naganne gore o, bohole ba tšhumilwe go ba molora. Moo, ebile le monna, sešole se segolo sa masole, monna yo mogolo wa šihlanka yoo a sepeletšego ntle fale go—go ba lahlela ka leubeng, monna bale ba ilego ka fale ba hwile, ka phišo ya go tsenelela ya leuba kgahlanong le bona. Gomme ba wetše ka leubeng, gomme ba be ba le tlase ka fale lebaka la nako ye yohle, le go tšwela ntle ka ntle le ebile monkgo wa mollo godimo ga bona.

⁵⁵ Modimo, a dira mohlolo! Seo e bile kgakgamatšo ya mmapale, ya maatla a go boloka a Modimo, kgahlanong le lenaba e ka ba lefe, ge motho a loketše go amogela Modimo ke therešo. Gomme Modimo o boloka Lentšu la Gagwe le go hlompha bao ba dumelago ka go Yena. Ka mneta ke dumela go kgakgamatšo.

⁵⁶ Joshua, mohlabani yo mogolo ke sa tšogo bala ka yena, dinakwana di se kae tša go feta, ka go Puku ya Joshua, tema ya 10. Hlokamelang, Joshua o be a le mo—mo mogwera go Modimo. O be a le šole, mo—mo mogenerale, gomme o tlide godimo ka tlase ga khuetšo ya mopropeta, Moshe. Gomme Moshe o ile a tlošwa, gomme Joshua o ile a laelwa go iša bana ka go naga ya tshepišo, le go aroganya dinaga. Goseobamele ga bana; gomme Moshe o be a letile go tšofala, gomme kafao Joshua o tlide godimo go tšea lefelo la Moshe, go ba mogeneralwa Modimo.

⁵⁷ Gomme Morena o boletše le yena, gomme o rile, “Bjalo ka ge Ke bile le Moshe, kafao Ke tla ba le wena.” Seo se lokile go lekanelo go Joshua. O rile, “Tia maatla gomme o be le mafolofolo kudu, ka gore Morena Modimo wa gago o na le wena kae kapa kae o yago. Gomme lefelo le lengwe le le lengwe dikgato tša leoto la gago di tla gatako, leo Ke go file.” Gona, dikgato tša leoto di be di era go rua. Naga ka moka e be e le ya bona. E be e le tshepišo.

⁵⁸ Pelepele e ka tsoge ya direga, ge a etla tlase kua le Kalebe le ditlhodi tše dingwe, gomme ba bone kganetšo ye kgolo, Baamaleka, le—le Baperese, le Bahete, le go ya pele, bohole ba ageleditšwe ka gare, gomme fale ka Jeriko go be go kgona go kitima mokato wa dikoloi godimo ga—ga lefelo, le monna yo mogolo wa go tia. Gore, ba bangwe ba—ba gosedumele magareng ga bona, ba rile, “Gobaneng, re lebega boka ditšie ka lehlakoreng la bona.”

⁵⁹ Eupsa Kalebe o rile, le Joshua, “Re ka godimo ga go kgona go e tše.”

⁶⁰ Gobaneng? Modimo o rile, “Ke le file naga ye.” Ga go kgathale kganetšo ke eng, ka fao bogolo le—le—le bothata bo lebegago, efela Modimo o rile e be e le ya bona. Oo! Modimo o kgona go boloka se A se tshepišitšego.

⁶¹ E be e le kgakgamatšo, go bona batho ba go tlala seatla, ba go se itlhame, eupša se ba se topilego maganateng, gomme moo ba rakilego monna yo mongwe, ka kgonagalo ka diharaka tša kgale le disaga, le e ka ba eng ba kgonnego go e swara. Ba ya ka kua gomme ba itie monna bale fase, bao e bego e le ditsitširipa. E be e le kgakgamatšo. Modimo o tsebile gore ba bile le tlhohleletšo go e dira. Gomme O ba file tshepišo, gomme ba ile ka gare le go dira tlwa se Modimo a ba tshepišitšego go se dira.

⁶² Letšatši le lengwe, ka go phišo ya ntwa, ge dikgoši di dirile kgwerano ye kgolo magareng ga tšona beng gomme ba tlide tlase kgahlanong le Joshua le bana ba Israele. Gore, Modimo o be a ba tshepišitše naga. Gomme o be a rakeletše lenaba, gomme ba be ba le ka dithokgweng le dithabeng, ba phatlaletše ntle go kgabola lešoka kua, gomme Joshua o lebeletše gomme o bone letšatši le dikela. O tsebile ge madira ale a ka hwetša sebaka go ipeakanya bonabeng le—le go bowa morago gape go yena, gobaneng, o a tseba gore o tla ba le nako ye thata gabedi gomme ka kgonagalo o tla lahlegelwa ke monna yo montši, ge ba ka tsoge ba hwetša lefelo go ikopanya ka bobona mmogo.

⁶³ Fao ke moo, badiredi, fao ke moo re palelwago. Fao ke moo kereke e palelwago. Ge tsošeletšo ye re sa tšogo ba le yona, masolo a magolo a ao a thomilego go kgabaganya naga, ge re bile le lenaba le tšhaba, re swanetše go le dira le dule le tšhaba. Eupša, selo sa yona ke, re swanetše go tloga feela ka go mantladima le go ya pele, le tšhušumetšo ye kgolo ya moago le “go dira bontši go dihlophatša renabeng go tloga go Lentšu, le go tšeа se, seo, gomme morago ba aga wo mongwe wa mekgatlo ya bona gape, le go thoma se sengwe gape. Yeo ke tsela ka mehla e yago. Ke ka tsela ye go bilego ka matšatšing a Luther, Wesley, le Moody, Sankey, Finney, Knox, Calvin, tsela yohle go theoga. Go bile ka tsela ya go swana. Ba tloša mahlo a bona go tloga go tso—tso tsošeletšo, le go e tliša ka go se ba ka kgonago go se direla bonabeng.

⁶⁴ Eupša le tseba se se diregilego? Joshua e be e se mohuta woo wa monna. O be a hloka nako. Letšatši le be le eya tlase, gomme o tsebile ge lenaba le ka tsoge la aga . . . Tsošeletšo e be e nyakile go ba bofelong bja bokgauswi bja yona, boka re eme lehono. O tsebile ge a ka tsoge a leta go fihla lenaba le hlamišitšwe kgahlanong le yena, go tla ba bothata go thopa ntwa yela. Le tseba se a se dirilego? O tsebile gore Modimo o tshepišitše naga yela. O be a hloka nako ye ntši. Kafao letšatši le be le le kgauswi le go ya fase, ka gona o rile, “Letšatši, ema o šišimale.” Amene. Kgakgamatšo, ka nnete. Gomme letšatši lela le eme fale bakeng sa letšatši la go tlala, gomme ga se nke la šutha; gomme ngwedi godimo ga Ajaloni, ga se nke wa šutha, gape.

⁶⁵ Gobane, Beibele e boletše fa, gore, “Ga se nke ya ke ya ba nako pele, goba ge e sa le, boka yona, gore Modimo o ile a kwa segalontšu sa motho.”

O re, “Oo, ge nkabe ke tsebile re nno phela ka letšatšing lela!”

⁶⁶ Jesu o rile, ka go Mokgethwa Mareka 11:24, “Ge o ka re go thaba ye, ‘Šuthišwa,’ gomme wa se belaele pelong ya gago, eupša wa dumela gore se o se boletšego se tla phethega, o ka ba le se o se boletšego.” E sa le mogau, le kgakgamatšo, pele go theogela ka go lebaka la rena. Nnete.

⁶⁷ Ngwedi wola le letšatši di eme go šišimala go fihlela Joshua a lwele tsela ya gagwe go kgabola, le Israele, le go itefeletša bonabeng godimo ga lenaba la bona. Gobaneng? E be e le mothalong wa mošomo.

⁶⁸ Bjale ge o ka ya ntle mo gomme wa re, “Thaba, šutha! Ke nyaka go go laetsa nka kgona go e dira.” E ka se e dire.

⁶⁹ Eupša ge go le mothalong wa mošomo, ge Modimo a go laetše go dira se sengwe! Go swana le ge A rile go Moshe, “Ka baka la eng o Ntelela? Bolela le bana.”

⁷⁰ Batho lehono ba a lla nako yohle, “Morena, ke eng se se latelago, ke eng se se latelago?” Nno bolela le go ya pele! Yeo ke nnete. Modimo o re romile go dira se sengwe, a re se direng. O se eme tikologong le go nagana ka yona, wa re, “E ka direga bjang? Gabotse, ye ke yela.” Go dire phapano ye e itšego; ge Modimo a rile e dire, e dire go le bjalo. O sa le Modimo wa mehlolo.

⁷¹ Joshua, ka kgonthe e be e le kgakgamatšo ge letšatši lela le eme go šišimala. Ke be ke bolela le ra—ra rasaense ka sekolong nako ye nngwe, gomme o be a le morutiši wa Beibele. Gomme o rile . . . Ke šupeditše se go yena. Ke rile, “Ke naganne o boletše gore le—le lefase le retologile go dikologa, o a bona, gomme—gomme letšatši le eme go šišimala?” Ke rile, “Go reng ka Beibele o sa tšo re botša e be e le therešo? Modimo . . . Joshua o rile, ‘Letšatši, ema go šišimala.’” Gabotse, ga se a kgona go araba yeo.

⁷² Eupša letšatši le eme tse. Ga se le dire mosepelo wo o itšego, le a bona. Leo gabotse ke lefase le eme. Gomme bjale le re . . .

O rile, “Lefase le eme.”

⁷³ Ke rile, “O rile, ‘Ge lefase le ka ema, le lahlegetšwe ke maatlakgogedi a lona gomme yo mongwe le yo mongwe a ka wa go tloga go lona.’ Bjale o ya go dira eng?”

⁷⁴ Ke kgakgamatšo. Amene. Modimo o emišitše lefase ka moka go tloga go retologeng, amene, gobane motho o rile, “Ema o šišimale fale, go fihla ke elwa ntwa ye go kgabola.” Seo ke kgakgamatšo. Amene.

⁷⁵ E be e le kgakgamatšo ge madira ohle a Israele a be a rakeletšwe sekhutlong, gomme ba be ba boifa tšitširipa tsoko ye kgolo ya go bogega segologolo e eme fale, ka leina la Goliate. Gomme fao madira a Israele, Saulo yo a hlahlilwego gabotse, hlogo le magetla ka godimo ga madira ka moka a gagwe, gomme

a šikinyega ka diputsung tša gagwe. Ga go yo a bego a kgona go kopana le tlhohlo ya monna yo wa letšatši lela.

⁷⁶ Go tla yo monnyane, wa go lebega bohubetšwana, segotlane sa magetla a go kobega, a imela e ka ba diponto tše masomesenyane, ka seripa sa mokgophwa nku o tatilwe go mo dikologa ka mokgwa woo. O rile, “Dihlong go madira a a Modimo yo a phelago; le ema mo gomme la tlogela lešoboro lela la Mofilisita le roga madira a Modimo yo a phelago.”

⁷⁷ Ge lentšu le tlie go Saulo, Saulo o rile, “Ga o selo eupša moswa, gomme yena ke mohlabani go tloga bosweng bja gagwe. Gomme wena o segotlane, gomme lebelela se a lego sona. Gobaneng, o ka se kgone go ya kgahilanong le yena.”

⁷⁸ Eupša o tšere eng? Ga se nke a tšea lerumo, ga se nke a tšea tšoša, eupša o tšere seragamabje. Gomme lefelo le tee feela le kgonnego go betha tšitsiripa yela, leo le be le le thwi phatleng, moo tlhamo ya gagwe e rothetše fase godimo ga sefahlego sa gagwe go fihla mahlo a gagwe. Gomme leswika lela, gomme bokgole bjo botelele go tloga go lerumo lela la kgato tše lesomenne a bilego le lona ka seatleng sa gagwe; le be le le ntle ge feela le be le le, a ka be a topile Dafida yo monnyane le go dira e ka ba eng go yena, le go mo lekeletša mo mohlareng, boka a tšošeditše go dira, le go tlogela dinonyana go ja setoto sa gagwe.

⁷⁹ Eupša go diregile eng? Go be go le kgakgamatšo, ge Modimo a tšere monna yo monnyane yo mohubetšwana kudu a bego a se kudu go lebelelwa, le gatee, ebile a se lešole le le hlahlilwego, feela segotlane se se bego se ne tumelo ka go Yena, le go bea naga yohle go dihlong. Modimo o e dirile ka kgakgamatšo.

⁸⁰ Amene! O sa le Modimo, bosegong bjo, wa kgakgamatšo, go no swana le ge A be a le nako yela.

⁸¹ O beile sešole ka moka mmudubudung. Ba bone seo, gomme ba thoma go kitima le go tloga, ka gobane ba bone gore ka go moisa yola yo monnyane go be go le tumelo ka go Modimo Yo a kgonnego go fetola tlhago yohle, a dira e ka ba eng A nyakilego go e dira, ge motho a tla dumela Lentšu la Gagwe. Nnete. Ke a dumela e be e le kgakgamatšo.

⁸² Moshe, monna yo mogolo wa sešole yo a lekilego go hlakodiša Israele, gomme ga se a e dira. O nyakile go senya Baegepeta. O fedišitše monna yo motee, gomme a tsena bothateng godimo ga yona, a e dira ka thatong ya gagwe mong. Eupša nako yeo o tšere lepara, lepara la kgale la go oma go tšwa leganateng, gomme a bolaya madira ka moka. Amene. Ge seo e se kgakgamatšo, ga ke tsebe gobaneng. Ge a rathile lepara lela godimo ga lewatle, gomme a bitša lewatle go tswalela; gomme a nweletša Egepeta, setšhaba sohle, ka nako e tee, ka lepara ka seatleng sa gagwe. Amene.

⁸³ E be e le kgakgamatšo, ka fao a etetšego pele Israele go kgabola lešoka, gomme lebaka la mengwaga ye masomenne.

Gomme ge ba tšwela ntle, fao go be go se motho wa mofokodi magareng ga bona. Yeo ke kgakgamatšo. Ee, mohlomphegi. A monna yo mogolo a bilego, se Modimo a mo diretšego, gobane o dumetše Modimo! E bile kgakgamatšo. Ee, mohlomphegi.

⁸⁴ E be e le kgakgamatšo, ge Modimo a kgethile monna yo motee yo monnyane, ka leina la Mika, pele ga baprofeta ba makgolonne ba go hlahliwa gabotse ba Israele, gobane monna yo o be a rata go dula le Lentšu la Modimo ge kganetšo yohle e be e le kgahlanong le yena.

⁸⁵ Ge makgolonne ba rile, “Aa, rotogang!” O rile go Ahaba le Josefate, “Rotogang, Morena o ne lena. Re sa tšo hwetša kutollo. Morena o na le lena. Rotogang, le tla ba kgoromeletša thwi go tloga nageng ya rena, ka gore ke ya rena. Modimo o re file yona. Joshua o aragonatše dinaga, gomme ye ke ya rena. Gomme go na le Bafilisita godimo kua, ba ja lehea go tswa mašemong a rena. Gobaneng, ga e fete go fa mabaka, kutollo ya rena e lokile.”

⁸⁶ Morago ka fao Modimo a kgethilego monna yo monnyane bjalo ka Mika, yo a bego a sa kgone le go tsena ka mokgatlong, eupša o tlie godimo kua le Lentšu la Morena. Gomme o rile, “Rotogang, eupša ke bone Israele e šwalalana boka dinku di se ne modiši.” E be e le kgakgamatšo, ka fao Modimo a bego a tla emiša yo monnyane wa nthathana moisa wa go se šetšwe ntle kua ka bogareng bja sehlopha sohle se segolo gagolo sa makgolonne a baprofeta, sa baprofeta ba Baisraele, baprofeta ba Bajuda ba eme fale ba profeta ka maaka. Mika o tsebile bjang gore o be a lokile? Ka baka la gore o be a lokile le Lentšu. Eliya o rile selo sa go swana se tla direga; gomme o be a ka kgona bjang go šegofatša se Modimo a se rogakilego? E be e le kgakgamatšo, eupša Modimo o e dirile e phethagale. Ka kgonthe e bile.

⁸⁷ E be e le kgakgamatšo; ge yo monnyane wa nthathana, mošemanne wa go lebega bosetsana ka mahuto a mannyane a šupa a moriri a lekeletše go theoga hlogo ya gagwe, gomme mohlomongwe lešela la ripone ka go yona, go tšohle ke di tsebago, go swana le mosetsana yo monnyane wa nthathana. Leina la gagwe e be e le Simsone. Gomme ge tau, e ka ba diponto tše makgolothano, mohlomongwe, tau e rorile gomme ya tla kgahlanong le yena, gomme o tšere diatla tša gagwe le go kgeila tau yela. Amene. Eupša šetšang se se diregilego? Moya wa Morena o tlie godimo ga gagwe, pele.

⁸⁸ Seo ke se se hlolago kgakgamatšo. Seo ke sona. Kgakgamatšo boka yeo e tla gotetša arena ye, bošegong bjo, ka letago la Modimo. Ge lerato la Morena le ka kgona go dumelwelwa go tla godimo ga batho, gona ba tla rapela. Kgakgamatšo, ka nnete. Ee.

⁸⁹ Ge Simsone a bolaile tau yela, ka diatla tša gagwe di se nago selo, o e phaphologantše; yo monnyane wa nthathana, mošemanne wa mohuta wa bosetsana ka mephotho ye mennyane ya moriri o lekeletše go theoga mokokotlo wa gagwe.

⁹⁰ E be e le kgakgamatšo ge a tšere lerapo la mohlagare wa moula wola, gomme a itia dihlogo tša Bafilisita tše sekete. Ge, tšona dihelemete tše kgolo le dijase tše kgolo tša tshipi, godimo ga mphiri di imela ka kgonagalo diponto tše lekgolo, goba kgauswi le yona, dikotse tše kgolo le go ya pele, marumo, banna ba ba hlahlilwego gabotse, gomme helemete e ka ba bokoto bja intšhi le seripa, go tšwa go mphiri, ba theoga le go retologela godimo, gomme feelsa difahlego tša bona. Gomme Simsone o eme fale ka lerapo le la mohlagare la moula, le be le robetše ntle kua mohlomongwe lebaka la masomenne, masometlhano a mengwaga . . . [Lefelo la go se be le selo godimo ga theipi—Mor.] Godimo ga leganata, le omile. Gabotse, go betha go tee kgahlanong le tshipi boka yela go be go tla le šwalalanya ka diripana tše milione. Eupša o eme kua, seo ke selo se nnoši, o be a romilwe go lwa le go tšeela naga yela ntle. O godišeditšwe le go tswalelwgo bolaya setšhaba sela. Haleluya!

⁹¹ Ge kereke e ka no lemoga se le lego fa bakeng sa sona! Ge kereke ya Pentecostal e ka kgona feelsa go lemoga se le lego mo bakeng sa sona! Kemedi ya lena ke eng? Gobaneng o etšwa go dilo tše go ba se o lego?

⁹² O tsebile se a bego a se tswaletšwe. O tsebile mo a bego a eme. Selo se a bilego le sona ka seatleng sa gagwe ga se se dire phapano. O eme fale, gomme ge Bafilisita bale ba etla. Gomme malakabe a le a maatla, a kgopana ye nnyane yela e eme godimo ga leswika, go fihlelela bogodimo bja dihlogo tša bona. Ge ba kitimela godimo kua, o tla ketolela o tee tsela nngwe, gomme yo motee go ye nngwe. Gomme fale go be go robetše sekete sa bona, ba robetše ba hwile fale. E be e le kgakgamatšo, ka fao moula wola, mohlagare o swerwe mmogo. E be e le kgakgamatšo, ka fao seripa se sennyane sela sa lerapo le tla pšhatlaganyago dihelemete tšela tša mphiri tša bokoto bja intšhi le go bolaya Bafilisita bale, sekete sa bona. Gomme o be a sa eme fale le lona ka seatleng sa gagwe, feelsa gabotse boka go bile ge a le topile. E be e le kgakgamatšo. Amene le amene!

⁹³ O sa swana maabane, lehono, le go ya go ile. O sa le Modimo wa go swana, go motho e ka ba mang yoo a bileditšwego go tše Lentšu la Modimo. Modimo o tla ema hleng le yena ge a sa be lefšega. Simsone a ka be a tšhabile, eupša ga se a e dira. Nnete.

⁹⁴ E be e le kgakgamatšo, ge Modimo a biditše Johane Mokolobetši, morwa wa moprista, go tšwa go sekolo se segolo sa baprista, siminari ye kgolo. Ka baka la eng seo se se sa latela? Seo, e be e le setlwaedi sa gore banna ba be ba latela motlwae wa botatabo. Gobaneng, e be e le kgakgamatšo, ge Modimo a tšere Johane go ya lešokeng, go mmotša se Mesia a bego a tla ba sona, go mmotša se leswao la Mesia le tla bago, ka fao a tla e tsebago. Go na le go ya sekolong, go ithuta se Mesia a tla bago sona; Modimo o mo tšeetše lešokeng, go mmotša se Mesia a bego

a tla ba sona. E be e le kgakgamatšo ka kgonthe, go bona batho ka letšatšing leo. Ee.

⁹⁵ Ge tswalo ya kgarebe e etla, seo e be e le kgakgamatšo; ka fao gore Modimo, gore a itire Yenamong go tsebja go motho, o bile motho. Ka fao gore Modimo, Moya wo mogolo... Modimo, go nna, o be a le pele; go be go se le ge e ka ba seetša, go be go se tshipi, go be go se a—a—a—athomo, go be go se molekule, go be—go—go be go se e ka ba eng, gomme se sengwe le se sengwe e be e le Modimo. Ee, ke ka fao A lego yo mogolo. O tšwa Bokagosafelego, ka Bokagosafelego. Yena ka mehla o be a le Modimo. Yena ka mehla o tla ba Modimo. Le ka fao bjo bogologolo bja Bophelo bjohle bo bago hlaku ye nnyane ka popelong ya mosadi, gore a tšee molao wa Gagwe Mong, go lefa kotlo ya molao wa Gagwe, lehu; ka fao Modimo a bonagaditšwego ka nameng, ka fao Modimo yo mogolo wa Legodimo a fetotšego tapišo ya Gagwe, go tšwa go beng Modimo, go ba motho, ka tswalo ya kgarebe, ga a gona a ka go e nagantšiša.

⁹⁶ Saense lehono e ka se kgone go le botša ka fao tswalo yela ya kgarebe e bilego, eupša Modimo o e dirile. O tlide. Ga go yo a bego a kcona; yo mongwe le yo mongwe o tswetšwe ka thobalano. Boka ka mo-... monna o tee go swana le ka moka ga bona, ga go yo a bego a ka thuša yo mongwe. Bohle re be re le bothateng. Gomme ka gona Modimo ka Boyena o tlide fase gomme a tswalwa, e sego ke Mojuda, e sego ke Montle, eupša Madi a Gagwe e be e le Modimo. Madi a tšwa go sekgao sa tona. Ka go taba ye, e be e le Modimo, Modimo mohlodi, o hlotše sele ya Madi ka popelong ya Maria, gomme a ikagela ka Boyena tabarenekele yeo ka Boyena a tlilego fase gomme a phela ka go yona.

⁹⁷ “Modimo o be a le ka go Kriste, a boelanya lefase go Yenamong.” Lona lentšu Kriste le ra “Yena Motlotšwa.” Oo! O be a le Modimo, Modimo mo botlalong bja Gagwe o dutše ka go Yena. Amene. “Gomme ka go Yena go dutše bottalo bja Modimohlogo mmeleng.” Seo e be e le kgakgamatšo. E tekatekišitše batho ka go wona letšatši, “Wena o le motho, o itira Modimo ka Bowena.” E sa e dira. Eupša go no swana, e sa le kgakgamatšo ya go swana e rwalelwago pele. O be a le Modimo. O sa le Modimo. Ka mehla O tla ba Modimo. Ee, mohlomphegi. O a swana maabane, lehono, le go ya go ile. Ee, mohlomphegi.

⁹⁸ Tswalo yela ya kgarebe e be e le sephiri go batho, ga se ba kgone go e kwešiša, feela boka Tswalo ye mpsha e le lehono. Tswalo ye mpsha ke sephiri go batho. Ga ba kgone go e kwešiša. Ga ba tsebe se o se rago. Ba e nyaditše, ba e tliša fase, ba re, “Gabotse, feela ka gobane o dumela se sengwe.” Bodiabolo ba dumela selo sa go swana, gomme ba thothomela. Ga se se le se dumelago; ke se Modimo ka kgonthe a se dirilego. Tswalo ye mpsha ke tswalo. E be e le ye mpsha. E be e le kgakgamatšo, ge Modimo a tlišitše Bophelo bjo boswa go morafe wa batho. Go

e gana, ke karogano ya Gosafelego. Go e amogela, ke Bophelo bjo Bosafelego. O na le . . .

⁹⁹ O godimo ga motheo wa go swana bjalo ka ge Adama le Efa ba bile. O ka tsea . . . Ge Modimo a go bea go e ka ba eng gape, go tla ba go hloka tok a go Adama le Efa. Adama yo mongwe le yo mongwe le Efa, bošegong bjo, o na le nnete le phošo di dutše pele ga bona. O ka kgona go dira kgetho ya gago. O ka kgona go tsea Lentšu la Modimo goba wa tlogela Lentšu la Modimo. O ka kgona go tsea Lentšu la Modimo goba wa tsea dithutotumelo tša gago tša kerekeleina ka Lona. O ka kgona go tsea dikgopol o tša gago tša sebjalebjale tša se e lego sona. O ka kgona go tswalwa gape le go tlatšwa ka Moya wo Mokgethwa, goba o ka dirwa wa kereke, ye tee ye o nyakago go ba yona.

¹⁰⁰ “Go nna go phela ke Kriste.” Haleluya! Ke a dumela gore Modimo yola wa go swana yo a theogetšego ka Letšatsi la Pentecost, godimo ga Kereke ya Gagwe, bjalo ka Pilara ya Mollo, gomme a ikaroganya Yenamong, ka maleme a maphakga, magareng ga batho ba Gagwe, o fa bošegong bjo. Ke Modimo wa go swana A bilego nako yela, ke Yena lehono, ka Moya wo Mokgethwa wa go swana. Ke a tseba ke kgakgamatšo. E ka se kgone go hlalošwa. Maikutlo, go goeletša, go lla, le go ya pele, di ka se hlalošwe, eupša ke kgakgamatšo kafao Modimo a e dirago. Ke Modimo yo a sa bonwego a dula ka pelong ya motho, a itira ka Boyena go bonagala, ka go hlatsela Lentšu la Gagwe, gore, “O a swana maabane, lehono, le go ya go ile.”

¹⁰¹ E be e le kgakgamatšo, ge morwa wa mmetli, ka Leina la Jesu wa Nasaretha, o tsere dipisikiti tše tlhano tše nnyane le dihlapi tše pedi, gomme a fepa dikete tše tlhano tša batho. Ge e se yona, ke nyaka go bona yo mongwe a e dira lehono. Ke nyaka le hlaloše go nna ke mohuta ofe wa athomo A e tlemollago. O dirile eng? E sego feela hlapi, eupša hlapi e be e hlogile, hlapi e be e gopilwe, hlapi e be e hlwekišitšwe, hlapi e be e apeilwe, hlapi e be e le e ka ba eng e bego e le, gomme borotho bo bjethwe le go gola; gomme yohle ya yona e fetile, gomme Modimo o e retolotše go tloga—go tloga go hlapi ya go apewa go ya go hlapi ya go apewa. O ile a no e godiša gomme A e ngwathaganya, gomme A e godiša gomme A e ngwatha, gomme O e hlogišitše go fihla A fepa dikete tše tlhano. Amene.

¹⁰² Tlwaelo yela e ra go reng: go e ngwatha, go e godiša; go e ngwatha, go e godiša; go fepa, go e godiša? Seo se ra gore O a swana maabane, lehono, go ya go ile. Ke Modimo wa go swana yo a bego a le. O sa le Borotho bja Bophelo go motho e ka ba mang yo a swerwego ke tlala le go nyorwa. O ka se kgone go fediša go loka ga Gagwe.

¹⁰³ Ba re, “Ga re na le tlhokego ya mehlolo, ga re hloke kgakgamatšo.”

¹⁰⁴ O letile. Leo ke lenanego la Gagwe. Seo ke se A lego. O a swana maabane, lehono, le go ya go ile. O go letile go obeletša le go tsea karolo ya gago. A o boifa go e dira? A bokaone o ye tlase nokeng le go itheela dihlapi, le go leka go e apea le go e gadika ka go mohuta tsoko wa makhura a kolobe goba se sengwe, goba bokaone o e tsee ka tsela ye Modimo a nago le yona? E no obeletša godimo ka tumelo, gomme o re, “Jesu, wa go swana maabane, lehono, le go ya go ile! Ke a tteleima, Morena, ke dumela go Wena. Bea ka gare ga ka dijo, maatla, tumelo ye ke e hlokago.” Hlokomela gomme o bone se se diregago. Ka pelo ya tlhokofalo, O tla kgotsofatša tlala ye nngwe le ye nngwe. O tla e dira.

¹⁰⁵ Jesu o be...o dirile...o bile le kgakgamatšo, ge A fepa batho ba dikete tše tlhano, ka dihlapi tše tlhano, gomme—gomme morago go tšerwe diroto tše pedi di tletšego, goba diroto tše mmalwa di tletšego, ka morago.

¹⁰⁶ E be e le kgakgamatšo, ge Monna ka maoto boka ke nao gomme le nao, godimo ga letsha boka Letsha la Michigan ntle mo, ge madimo a be a le godimo, gomme maphotho a mašweu go molaleng e be e le...

¹⁰⁷ Gabotse, ge o kile wa ba fao le go bona ka fao wona madimo a tlago fase, a e dira go le bjalo, go kgabaganya Galelia kua, gomme e nyakile go lebega bjalo ka lepale botlase bja lewatlekgo go oma. Ge leo le etla tlase go kgabola kua, tšona diphefо tše šoro, le go thoma go swiela, gomme maphotho a tšhweu a kukela sekepe sela godimo go fihla dikholofelo tšohle di ile. Gomme godimo ga lewatle lela, moo ba bego ba hudua, go tloga go hudueng go tloga e ka ba ka iri ya bone morago ga sekalela, ke tla re, go fihla (ya mafelelo) tiišo ya bone, go bapa iri ya boraro goba ya bone mo mosong. Ke bokgole bjo bokae ba huduilego go kgabagantšego lewatle! Gomme ba Mo tlogetše ka lehlakoreng le lengwe. Amene.

¹⁰⁸ Gomme ka go tišo ya bone, šo O a tla, a sepela godimo ga maphotho. Seo e bile kgakgamatšo. O kgonne bjang go itira yo bohwefo Yenamong go lekanela? O kgonne bjang go gata godimo ga wona maphotho, le go fologa go tloga go lephoto le tee go ya go le lengwe? Maphotho a magolo ale a etla, O be a tla ya thwi godimo ka godimo ga le tee, gomme thwi tlase ka go le lengwe, thwi godimo ka godimo ga le tee, ntle le lerothi la meetse godimo ga Gagwe. A etla, a sepela godimo ga maphotho! Ntlhalošetše yona, gomme o ka se kgone. E be e le eng? E be e le kgakgamatšo, go felela.

¹⁰⁹ E be e le kgakgamatšo, ge Petro, yo A sego a ke a tsoge a mmona ka bophelong bja Gagwe, leina la gagwe e be e le Simone, o sepeletše godimo ka Bogoneng bja Jesu Kriste, gobane ngwanabo Andrea o be a mmoditše O be a le Mesia. Gomme ge Jesu a lebeletše monna yola ka sefahlegong, lekga la mathomo leo A kilego a mmona, gomme o rile, “Leina la gago ke Simone,

gomme o morwa wa Jona,” seo ke kgakgamatšo. Ge e se yona, mpotšeng ka fao A e dirilego. E be e le kgakgamatšo.

¹¹⁰ Gobaneng? Gobane, Yena ke Lentšu. Gomme Beibele e rile, “Lentšu la Modimo le bogale go feta tšoša ya magalemabedi, le mofenyeki wa dikgopolole maikešetšo a pelo.” Seo se netefaditše gore O be a le Lentšu, amene, “Wa go swana maabane, lehono, le go ya go ile.”

¹¹¹ E be e le kgakgamatšo, ge Filipi a ile go dikologa thaba gomme a hwetša Nathaniele, le go mo tliša morago ka Bogoneng bja Jesu, gomme Jesu o mmoditše moo a bego a le gona letšatši pele. Seo e bile kgakgamatšo, amene, go laeditše gore O be a le Lentšu. “Bonang Moisraele yo ka go yena go sego bomenetša.”

O rile, “O ntsebile neng, Rabi?”

¹¹² O rile, “Pele Filipi a go bitša, ge o be o le ka tlase ga mohlare, Ke go bone.” Kgakgamatšo. Amene.

¹¹³ E be e le kgakgamatšo, ge rakgwebo yo monnyane, wa toropokgolo ya Jeriko, moswaswalatši wa Morena Jesu, o nametše godimo go mohlare wa mosekamoro, go utama, go Mmona a feta kgauswi. Gomme ge Jesu wa Nasaretha a tsena, a sepela go theoga mokgotha, gomme a eme thwi ka tlase ga mohlare mo a bego a le gona, le go phagamela godimo fale le go mmitša ka leina la gagwe, “Sakeo, theogela tlase. Ke ya gae le wena bakeng sa lantše.” Kgakgamatšo! Ga se A ke a tsoge a bona monna, matšatši ohle a bophelo bja Gagwe. Ga se A ke a tsoge a Bea mahlo godimo ga gagwe.

¹¹⁴ E be e le kgakgamatšo, ge mohlomongwe makgolo a mmalwa a batho, ee, mohlomongwe lesometlhano, batho ba makgolo a masomepedi ba tšwela ka ntle ga toropokgolo ya Jeriko, ba dira metlae ka Yena, le go Mo sega, ge A be a tlogela toropokgolo morago ga sekgalela seo, goba mosong woo, a ke re; ge A be a eya ka ntle ga toropokgolo, ge batho ba be ba Mo foša ka dibobodi. Gomme ke kgona go kwa moprista a re, “Hei, ba mpotša O tsoša bahu. Hei, Wena moperfeta, Wena yo a ipitsago moperfeta Wenamong! Bona, re na le serapa sa mabitla ka moka se tletše bona godimo fa, monna moloki, monna wa go loka, moprista boka ke le; eya godimo fa, ba tsoše. A re Go bone o tsoša bahu.” Ebile ga se a kwe lentšu ba le boletšego, o tee a dumediša yo mongwe, le bona seng.

¹¹⁵ Eupša moragorago godimo kua kgahlanong le leboto, dijarata tsoko tše makgolo a mabedi le masometlhano, mokgopedi wa go šokiša wa kgale o rorometše go tonyeng fale, ka matsogo a hempe ya gagwe, o rile, “O Jesu, Wena Morwa wa Dafida, nkgaogele,” gomme o Mo emišitše ditseleng tša Gagwe. Haleluya! Pitšo go tšwa go Joshua, e sego kgole kudu, e sego—e sego dimaele tše lesome go tloga moo A bego a eme thwi fale, o emišitše letšatši, letšatši le lengwe. Eupša mokgopedi wa go šokiša o emišitše M-o-r-w-a wa Modimo, o dutše ka ditherekeng

tša Gagwe ka tumelo ya gagwe, mohuta wa go swana wa tumelo ye Joshua a bilego le yona. Amene. Gobane, o tsebile, ge A be a le Morwa wa Dafida, O be a le Mesia yo a bonagaditšwego, gomme O be a ka kgona go mo fa morago go bona ga gagwe. Kgakgamatšo! Oo, nna! Nnete, e be e le kgakgamatšo. Ee, mohlomphegi.

¹¹⁶ Modimo, e be e le kgakgamatšo, ka fao Modimo a kgonnego go ba motho, go hwa. Modimo, Bophelo, Bophelo bjo Bosafelego, a ka kgona go ba Modimo (bophelo bja tlhago) go hwa, go phološa motho, go mo tlisa morago go Bophelo bjo Bosafelego. Seo e bile kgakgamatšo, ka fao gore Modimo yo mogolo yo a tletšego sebaka sohle le Bokagosafelego bjohle o kgonne go tla fase le go ba motho, gore a hwe go phološa mo... tlholo ya Gagwe Mong. Ka fao Modimo a bilego yo mongwe wa ditlholo tša Gagwe Mong, go phološa, gobane O hlotše mmele wa Gagwe Mong. Jehofa Tate o dutše, ka bottalo, ka go Jesu Kriste Morwa wa Gagwe. Jesu o be a le mmele wa Modimo. Modimo o be a emetšwe ka tabarenekeleng, nama ya Jesu Kriste, le ka fao Yena yola a tletšego sebaka sohle le Bokagosafelego bjohle a bilego Motho o tee. Amene. Le bona se ke se rago? Fao, le gore Modimo a ka kgona go dira seo, go hwa, gomme, oo, seo e be e le kgakgamatšo, ka go sonamong, ka fao A kgonnego go itira Yenamong ka tsela yeo gore a tlaišege lehu bakeng sa moloko ka moka wa motho.

¹¹⁷ Eupša, oo, a kgakgamatšo, ge Monna a batotšwe, a bolawa, ba kgorometša lerumo le legolo la Moroma, e ka ba bophara bja diintšhi tše tshela goba tše seswai, go phuleletša pelo ya Gagwe, gomme Madi le meetse a falaletše ntle. Gomme ba Mo tlositše sefapanong, a hwile, ba Mo potokile ka—ka lešela, gomme ba Mmeile ka lebitleng. O be a hwile bjalo go fihla molaolalekgolo wa Roma o rile O be a hwile, yo mongwe le yo mongwe fale o rile O be a hwile, ngwedi o rile O be a hwile, dinaledi di rile O be a hwile, letšatsi le rile O be a hwile, lefase le be le na le mororomelo, le rile O be a hwile. Gomme ka letšatsi la boraro, o kgonne go tsoga go ya bophelong gape, go se hwe, go tloga lehung. Seo ke kgakgamatšo. Amene. O rile, “Ke na le maatla go bea bophelo bja Ka fase; Ke na le maatla go bo tšeа gape.” Kgakgamatšo ya mmapale ya Modimo, tsogo ya Gagwe e bile.

¹¹⁸ E be e le kgakgamatšo, ya Modimo, ge Jesu a be a kgetha banna ba go thea dihlapi, ba go se... go e na le baprista ba ba hlahlilwego, go rwala molaetša wa Gagwe. Go be go lebega o ka re, ge A etla, O be a tla tla go Bafarisei ba bagolo le Basadutsei, gomme a re, “Baena, lena le monna yo tlase go kgabola mabaka a bolokilego kerekeleina ye e hlwekile. Ke tla go le tšeа bjale. Botataweno ba tla ikgantša ka lena, ge ba ka kgona go lebelela fase bokagodimo ga dikgao tša Legodimo,” goba kae kapa kae fao ba bego ba le gona. Ke a e belaela. (Jesu o rile, “Ke lena ba tataweno, diabolo.”) “Kafao gona lebelela fase, o re, ‘Gabotse, re

tlā thaba.' Ba tlā thaba go tseba se. Ke tlie bjale go tšea moo lena bohle le e tlišitšego."

¹¹⁹ E be e le kgakgamatšo, ge A ahlotše yo mongwe le yo mongwe wa bona le go ba botša ba be ba le ba diabolo, le go ya tlase ka Lewatleng la Galelia le go topa banna ba go hloka tsebo bao ebile ba bego ba sa tsebe mokgwa wa go ngwala leina la bona beng, le go ba fa dikgonyo go ya Mmušong wa Legodimo, sebakeng sa go fa Kayafa, moprista yo mogolo. Monna a ka kgona bjang, go bodumedi, bjo bo lekilego... bjo ba nagannego bo lekile, ka go metlwae ya bona le dilo, go boloka dilo tša Modimo. Gomme šo O a tlā le go hlaola seholpha se sengwe, tlase nokeng mošola. Ge motho a katišitšwe le go rutega, gomme o ile go kgabolab diseminari le dikolo le se sengwe le se sengwe gape, gona O tlā thwi morago go dikologa le go hlokomologa seo, le go tšea motheadihlapi wa go hloka šedi le go mo fa dikgonyo tša Mmušo. Amene.

¹²⁰ Se se dirago kgakgamatšo ke ge yo mongwe a dumela Modimo le go Mo tšea Lentšung la Gagwe. Lentšu la Modimo le boletše lefase go ba gona. Seo ke selo sa go swana o swanetšego go se dumela, bosegong bjo, ke Lentšu la Modimo le le tshepišitšwego.

¹²¹ Lebelela mosadi yola yo monnyane wa go šokiša a eme fale mo sedibeng. O rile, "Re a tseba ge Mesia a etla, O tlā re botša dilo tše." O be a mmoditše se bothata bja gagwe e bego e le. O rile, "Mohlomphegi, ke a bona gore Wena o moprofeta. Re a tseba ge Mesia a etla, O tlā re botša dilo tše." Šetšang.

¹²² Modimo a bolela le mmalegogwana. Letago go Modimo! Modimo a bolela le mmalegogwana, amene, gomme a kgopela monyetla, "Ntlišetše seno." Nagana ka yona. Bolela ka kgakgamatšo!

¹²³ Gomme a kgakgamatšo gore peu yela ya Bophelo bjo Bosafelego, e kgethetšwepele pele ga motheo wa lefase, ba ka kgona go ba seholpha ntle ka go selo se sebjalo ka seo; ka kganyogo ya nama, ka fao mosadi yola wa go šokiša yo monnyane wa kgale, ka kgonagalo a lahletšwe mokgotheng, tlase ka pelong ya gagwe o be a kgethetšwepele go ya Bophelong bjo Bosafelego.

¹²⁴ Ge Kwana e hlabja pele ga motheo wa lefase, go ya ka Beibele, maina a rena a beilwe go Puku yela. Jesu o rile, "Ga go motho a ka tlago go Nna ntle le ge Tate wa Ka a mo goga, gomme bohle Tate a Mphilego ba tlā tlā." E no phatlalatša Seetša!

¹²⁵ Šetšang ge Seetša sela se betha baprista bale le mahlale a bona ohle. Go diregile eng? Ba rile, "Ke Beletsebubu, mmolelelamahlatse, diabolo."

¹²⁶ O rile, "Ke lena ba tataweno, diabolo." Ke moo e tšwago gona.

¹²⁷ Eupša ge yo monnyane yo, mosadi wa go hloka maitshwaro a bolela le Modimo, gomme peu yela e kgethetšwegopele e ka kgona bjang go kgwaparetšwa ka go yo mo bjalo mo—mo motho yo mobe bjalo ka yola? Ke kgakgamatšo. Eupša šetšang ge Seetša se e ratha. O rile, “Mohlomphegi, ke a bona gore O moprofeta.” Bjale, moprofeta, ke moo Lentšu la Morena le tlago, go moprofeta, le a bona. Gomme seo e be e le sebe sa gagwe, gomme Yena moprofeta o be a na le Lentšu. Kafao o rile, “Ke a bona gore O moprofeta. Bjale re a tseba gore ge Mesia a etla, O tla dira dilo tše.”

O rile, “Ke nna Yena, yo a bolelago le wena.”

¹²⁸ Ngwanešu, o tlogetše pakete yela, gomme šole o sepetše. Bopaki bja gagwe bo pholosítše toropokgolo ya gabu, Sikara. Bjale seo e bile kgakgamatšo, ge Modimo, ge Jesu a dirile seo. Ee, mohlomphegi.

¹²⁹ E be e le kgakgamatšo, ge Modimo a beile Moya wa Gagwe ka go mapentecostal, batheadihlapi ba go šokiša le batho ba go se rutege, sebakeng sa Kayafa moprista yo mogolo. Gomme, oo, ka fao A beilego Ebangedi ya Gagwe! E be e le kgakgamatšo, ge Modimo a be a kgetha tsela ye e bitšwago “bohlanya, bogafa,” batho ba ile ba thekesela, le go taboga le go ya pele, le go dira mo o ka rego ba be a ba le digafa. Ba ba biditše “go gafa.” Ke kgakgamatšo, ge Modimo a tla feta disinagoge tše kgolo tša godimo, malapa a magolo a Sanhedrin le baprista ba bagolo ba go tsena sekolo ba godimo, le go topa seholpha sa bahlokatsébo, batheadihlapi ba go se rutege bao ba bego ba sa tsebe go feta go no Mo dumela le go tše Lentšu la Gagwe, le go bona dipoelo. Gomme go kgahlile Modimo go feta ka thoko se ba se biditše go selo se sekgethwakgethwa ka lefaseng, go topa mokgobo wa “matlakala a fase,” a be a bitšwa, le tsela ye ba bego ba rapela, e bitšwa “bohlanya,” go dira tsela ya pholosó. Ee. Bjale, yeo ke therešo, o ka se kgone go e gana. Paulo o rile, “Ka tsela ye e bitšwago ‘bohlanya,’ ke ka tsela ye ke rapelago Modimo wa ka, Modimo wa botate; ka tsela ye a bitšwago ‘bohlanya.’” Ee.

¹³⁰ E be e le kgakgamatšo, ge Pilara yela ye kgolo ya Mollo ye e tiliego fase go tšwa Legodimong, Morongwa wa Morena, Pilara ya Mollo e etilepele bana ba Israele go kgabola lešoka. Yeo e be e le kgakgamatšo, yeo e boletšego le Moshe ntle kua ka sethokgweng se se tukago. Gomme e be e le kgakgamatšo. Gomme mengwaga ye makgolo seswai moragorago... le go ya ka Lengwalo, ka go Mokgethwa Johane 8:58, ge le nyaka go tseba moo e lego. Le nyaka go tseba moo e thomilego, sa pele, e bile Ekisodo 13:31. Gomme e be e le kgakgamatšo, ge, morago ga leeto leo lohle le nako yela yohle, gore mo Jesu o boletše, gore, “Pele Abraham a eba gona, KE NNA.” KE NNA o be a le ka sethokgweng se se tukago. KE NNA e bile Yena yo a boletšego le Moshe.

¹³¹ E be e le selo sa go tlabo, sela ka morago ga lehu la Gagwe, poloko, le tsogo. Gomme Saulo, Mojuda yola yo monnyane wa nko ya hakana, a swere, le sebefedi sa go selekiša, gomme ebile o beile ye nngwe ya Kereke go lehu; tseleng ya gagwe go theogela Damaseko, go golega batho bale. Gomme tlase kua ba be ba na le moprofeta yo a bitšwago Anania, gomme o be a le tlase kua a profeta go bona, moprofeta wa Morena, a ba botša Lentšu la Morena, gobane O tla go yena. Gomme ge Modiša Anania a be a le tlase kua, a profeta, Saulo o ile tlase go mo tšea. Gomme thwi ka bogareng bja letšatši, yona Pilara yela ya Mollo ya go swana ye ya go tla fase gomme ya etapele Israele, ya rathela Saulo go ya mobung. Gomme batho bohle, ba eme go dikologa, ga se ba kgona go E bona. Eupša E be e phadima kudu, go Paulo, go fihla E foufaditše mahlo a gagwe. Amene. O be a foufetše. E be e le kgonthe kudu go yena, gomme ka moka ga bona ga se ba kgona go E bona. Ke kgakgamatšo. Nna! Oo!

¹³² Ke dikwi dife tše tee tša motho o tee di tla di tsebagatšago, di tla kwalakwatsa go yo mongwe. Ke ka lebaka leo batho ba kgonago go dula ka—ka kopanong, le go lebelela mošomo wa Morena, le go emeleta le go sepelela ntle, le go dira metlae ka Lona; gomme yo mongwe o swareletše go Lona, ka pelo ya bona yohle. Ke kgakgamatšo, ka fao Modimo a kgonnego go dira banna, ka nama ya go swana. Ke kgakgamatšo, go bona ka fao Modimo a e dirago, ebile le ka go letšatši le. E be e le kgakgamatšo go Paulo.

¹³³ Le a tseba, Paulo ga se a ke a tsoge a bona Jesu ka sebopego sa mmele. O ile a swanelwa ke go amogela kutollo go no swana le ge Petro a dirile. Petro ga se a ke a tseba Jesu ka lebopo la mmele.

O rile, “Batho ba re Nna Morwa wa motho ke nna mang?”

¹³⁴ “Ba bangwe ba bona ba rile, gobaneng, O ‘Moshe,’ gomme ba bangwe ba re O ‘Eliase,’ le ‘Jeremia.’”

O rile, “Seo ga se se ke se botšišitšego. O reng?”

Petro o rile, “Wena o Kriste, Morwa wa Modimo yo a phelago.”

¹³⁵ O rile, “O wa lehlogenolo wena, Simone, morwa wa Jona. Nama le madi ga se tša e utolla go wena, eupša Tate wa Ka yo a lego Legodimong o e utolotše. Gomme godimo ga leswika le, Ke tla aga Kereke ya Ka, gomme dikgoro tša Hele di ka se kgone go feny a kgahlanong le Yona.” Ke lena bao, kgakgamatšo. Ge A be a eme fale, gomme a sa Mo tsebe ka nameng ya motho; eupša o Mo tsebile ka mediro ya Gagwe le kutollo, go Mmona a phethagatša tlwa se Lengwalo le lego.

¹³⁶ Woo ke mohuta wa go swana wa kgakgamatšo woo o tlišago motho go tšwa go thutotumelo tsoko ya kgale ya go tonya ya female, go ya ka go Modimo wa go phela. Ke kgakgamatšo, go bona monna wa go swana a bala Beibele ya go swana, gomme a E gana, mola yo mongwe a tla E dumela le go amogela bohlatse

bja yona. Ya, ke kgakgamatšo, ge a kgora go E bona e šoma godimo ga moisa yo mongwe, nnete o swanetše go tseba gore ke Modimo wa go swana. Thutotumelo ya gagwe e fošagetše, ge e le kgahlanong. Ge Modimo a hlatsela Lentšu la Gagwe, gora thutotumelo ya gago e fošagetše. Amene. Ga go re go ba yo šoro, eupša yeo ke Therešo, kgakgamatšo.

¹³⁷ Ke rile, “Metsotso ye masometharo,” gomme e no ba tlwa seo. Ke na le e ka ba matlakala a tshela a dinoutse fa go le bjalo. Kgakgamatšo, a le dumela ka go yona? Amene, ke dumela ka go yona. Gomme ke tla ema.

¹³⁸ A ke le botšeng selo se sengwe. Theetšang. Fa nako ye nngwe ya go feta, tlase ka Borwa, moo ke tšwago gona, ke be ke ne aese khirimi ye nnyane nthathana, letšatši le lengwe. Mogwera wa ka wa radiokobatši wa kgale, mokgethwa wa kgonthe wa kgale wa go tswalwa gape, o be a le monna wa kgonthe. Ke be ke se ka mmona nako ye nngwe, gomme ke be ke eya go kgabola toropokgolo, gomme ke eme go mmona. Gomme ka bona leina la gagwe godimo kua, gomme ka gopola, “Gabotse, fao, o na le kgwebo ye mo, gomme o bile fao lebaka la mengwaga.”

¹³⁹ Ke ile godimo, ka ya ka gare, gomme o be a le fao, a dutše fao, a lebeletše fase godimo ga digalase tše nnyane tša gagwe, le a tseba, gomme a lebeletše godimo ga digalase tše nnyane tša gagwe tše di lekeletšego fase lerameng la gagwe. Gomme o rile, “Gabotse, ge e se Ngwanešu Branham!” Gomme a phagamela godimo, gomme a tla a bea matsogo a gagwe go ntikologa, gomme a tla a mphaphatha. O boditše morwa wa gagwe, o rile, “Eya go re tšeela, aese khirimi ye nngwe.” Re be re eme kua. “Re ka ba le komiki ya kofi?”

¹⁴⁰ Ke rile, “Aowa, mohlomphegi. Ke tla go bolediša go iša lehung, ge ba ka mpha komiki ya kofi.” Ke rile, “Go ntira ke tšhoge.” Ke rile, “Ke tla no tšeaa aese khirimi ye nngwe.”

¹⁴¹ Kafao, re bile le aese khirimi ye nngwe. Gomme—gomme basetsana ba be ba le morago kua, le go ya pele, ka lebenkeleng, gomme re dutše le go ba le kopanelo ye nnyane go dikologa aese khirimi.

¹⁴² O rile, “Ngwanešu Branham, ke—ke nyaka go go botša se sengwe.” O rile, “Ke—ke be ke hlepho gannyane go botša batho ba bangwe.” Re swanetše go bolela ka Morena le botho bja Gagwe. Gomme moisa wa kgale a lla, le dikeledi di kitima go theoga marama a gagwe, gomme o rile, “Ke—ke nyaka go go botša se sengwe.” O rile, “Go—go ka bonala go tlaba go—go wena,” o rile, “eupša ke dumela gore motho boka wena o tla e kwešiša.”

Ke rile, “Gabotse, eya pele, ngwanešu. Ke eng?”

¹⁴³ O rile, “Morago mo nakong ya phuhlamo,” o rile, “morwa wa ka wa hlogo ye pududu o be a no ba lesogana.” Gomme o rile, “Re be re le mo ka go kgwebo ye—ye nako yeo,” gomme o rile, “eupša

batho ba be ba diila gomme ba se ne selo go ja. Gomme go hwetša otara, go hwetša sehlare goba se sengwe, ba ile ba swanelo go ya go ema ka mothalong.”

¹⁴⁴ Gomme bontši bja lena le elelwa seo. Kgonthe, le a dira. Go ema ka mothalong, go hwetša tumelelo ye nnyane go tšwa go selete, gore le kgone go hwetša dipilisi tše, goba go hwetša se sengwe go ja.

¹⁴⁵ Gomme o rile, “Ke be ke dutše mo, letšatši le lengwe, ke bala Beibele ya ka, gomme, gomme,” o rile, “yo mongwe o tlie ka mojako. Gomme morwa wa ka o tsogile, yo moswa, o ile godimo ka pele.” Gomme o rile, “Ke mo kwele a re, ‘Aowa, re ka se kgone go e dira.’”

¹⁴⁶ Gomme o rile, “Ke theeditše sekgauswi. Ke beile Lentšu la ka fase gomme ka theetša sekgauswi. Gomme monna o rile, ‘Mohlomphegi,’ o rile, ‘mosadimogatša wa ka o kgaušwi le go idibala.’” Gomme ge a lebeletše, o rile o bone mosadi a loketše go fiwa lesea; banyalani ba baswa. Gomme lesogana le rile go yena, “O rile, ‘Ke—ke—ke eme ka mothalong wola fale,’ o rile, ‘oo, botelele bja poloko ya toropokgolo.’ Gomme o rile, ‘Mosadimogatša wa ka o no se kgone go ema fale botelele bjo itšego.’ O rile, ‘Ke a makala... Ke na le taelotšhomio go tšwa go ngaka, o swanetše go ba le sehlare, gonabjale.’ O rile, ‘A o tla e tlatša, gomme morago ke tla mo tšeela gae, gomme morago ke tla ya go ema ka mothalong? Ke tla—ke tla hwetša o—o otara ya yona. Ge o ka...’

¹⁴⁷ “Gomme morwa, mošemane o rile, ‘Mohlomphegi, seo se kgahlanong le melawana mo. Re, re ka se kgone go e dira.’

¹⁴⁸ “O rile, ‘Gabotse, ke be ke sa tsebe.’ O rile, ‘Ke a go leboga, kudu, morwa,’ o retologile go tloga.”

¹⁴⁹ Gomme o rile, feela ge a thoma go sepela, yo mongwe o rile go yena, tlase—tlase ka pelong ya gagwe, o rile, “Josefa le Maria ba ile ba retologa go tloga, nako ye nngwe, le bona.”

¹⁵⁰ Gomme o rile, “Ke emeletše gomme ke rile, ‘Ema, morwa! Feela motsotsotso!’” Gomme o rile, “Moisa o eme. Gomme ke ile le go tšea taelotšhomio, le go tla morago ka morago kua le go e tlatša; ge a sa letile, a swere mosadimogatša wa gagwe ka seatla. Gomme o be a fokola kudu, o be a nno ikokotlela godimo ga legetla la gagwe.”

¹⁵¹ Gomme o rile, “Ke sepeletše ntle kua, gomme ke...” O rile, “Ke maswabi ke swanetše go dira se, mohlomphegi.”

O rile, “Go lokile.”

¹⁵² “O be a na le hlogo ya gagwe fase, gomme a no neelwa ntle.” Gomme ge a e beile ka seatleng sa gagwe, o rile, “Ngwanešu Branham, ke bone Jesu.” O rile, “Ke e beile thwi ka seatleng sa Gagwe.” O rile, “Ngwanešu Branham, O be a le fale, feela tlwa ka tsela ye seswantšho se e bontšhago.” Gomme o rile, “Ke—ke

be ke sa kgone go bolela. Gomme monna o retologile go dikologa le go sepelela ka ntłe ga moago.”

O rile, “A o dumela seo, Ngwanešu Branham?”

¹⁵³ Ke rile, “Ke se dumela ka tšohle tše di lego ka gare ga ka. Ka kgonthe.”

¹⁵⁴ Mokgethwa Martin wa Tours, ge eba o kile wa bala ka Mokgethwa Martin, o be a le lešole. Gomme o be a le—o be a le wa gagwe... o latetše dikgato tša maoto tša tatagwe. Ka mehla o ikwetše pitšo ya Modimo. Feela, ke a nagana, batho ba gabon be ba se ba bodumedi tlwa. Gomme letšatši le lengwe o be a etla....

¹⁵⁵ E be e le marega a mabe, histori e a bolela. Gomme o be a... Go be go le mokgopedi wa kgale a robetše ntłe kgorong, gomme o be a gatsela go iša lehung; le batho ba bantši, bao ba ka bego ba fepile mokgalabje yola, goba go mo fa diaparo tsoko. O be a lla, a swaretše seatla sa gagwe godimo. Feela monna wa kgale wa ditedu tša mahlafarara, monna wa ditšhila a robetše kgorong ya toropokgolo. Gomme o re, “Nthuše, yo mongwe. Ke—ke gatsetše. Bošegong bjo ke tla hwa. Yo mongwe mphe kobo.”

¹⁵⁶ Mokgethwa Martin o be a šetše a file tšohle a bilego le tšona, kgole. O no, bjalo ka lesore, o be a apere jase ya gagwe. O eme ka lehlakoreng le tee, gomme o šeditše le go bona ge eba yo mongwe o be a ka se e dire. Batho ba tlie gomme ba ile, gomme ga go yo a bego a ka mo thuša.

¹⁵⁷ Ka gona a fihla godimo kua, gomme a lebelela mokgalabje. O be a na le kwelobohloko godimo ga gagwe. A apola jase ya gagwe mong, gomme a tsea tšoša ya gagwe gomme a e ripa seripa. O potokile karolo ya yona go dikologa magetla a gagwe, o tšere seripa se sengwe gomme a potoka mokgopedi wa kgale ka sona, gore a phele go kgabola bošego, a sepela go ya pele.

¹⁵⁸ Batho ba ile ba mo sega, ba re, “A lešole la go lebelelegampe, le apere feela jase ya seripa.”

¹⁵⁹ Bošegong bjoo, ge a be a robetše malaong, o ile a tsoga. Yo mongwe o be a sepeletše ka kamoreng. O lebeletše, a eme go kgabaganya kamora, gomme fao go be go eme Jesu ka seripa sela sa kgale sa seaparo se be se phuthetšwe go mo dikologa. O tsebile ka seo.

¹⁶⁰ O be a le monna, Mokgethwa Martin, o be a le yo mongwe wa banna ba ba bego ba lwela morago kua, bakeng sa Tumelo yeo e kilego ya fiwa bakgethwa. O dumetše go mehlolo ya Modimo. O dumetše go go bolela ka maleme. O dumetše go Testamente yohle yeo e ngwadilwego ke baapostola. O dumetše ka go le go E hlabanelo, ge feela a be a phela, gomme Modimo o dirile mehlolo. O tsebile, ge a bone mokgopedi yola wa kgale a potokilwe ka go seripa sa seaparo sa jase ya gagwe mong, gore Lentšu la Modimo

le phethagaditšwe, “Bontši bjo le bo direlago ba bannyannyane ba, ba bannyane ba Ka, le e diretše Nna.”

O re, “Monna ga se a e bona.”

¹⁶¹ Ke a dumela o e bone. Ke a dumela o e hweditše. Ke a dumela gore e gona. Ke a dumela e be e le Jesu a mo lebeletšego. E be e le kutollo ya Modimo e dirilwe go bonagatšwa, gobane o phethagaditše.

¹⁶² Bolela ka kgakgamatšo, go tla e tee. “Ge bahu ka go Kriste ba tla tsoga, gomme rena ba re phelago re tla fetolwa, ka nakwana, ka go panya ga leihlo, go tseelwa godimo mmogo go Mo gahlanetša sebakabakeng.” Ee.

¹⁶³ Oo, ka fao Modimo a bolokago Lentšu la Gagwe ka go lebaka le la bohlale! O swana bjang maabane, lehono, le go ya go ile! Ka fao A sa kgonago go hlatha dikgopolo tša pelo ya motho! Ka fao A sa kgonago go fetola motho! Le ka fao A sa kgonago go boloka lentšu le lengwe le le lengwe leo A le tshepišitšego letšatšing le! O a swana maabane, lehono, le go ya go ile! Ka fao A sa kgonago go bonagatša le go ba dira ba tsee seswantšho sa Pilara yela ya Mollo ya go swana ye e latetšego Israele, Yona ye e swanago ye e bego e na le Morena Jesu, Yona ye e swanago e be e le tlase kua le Saulo tseleng, Yona ya go swana ye e tlidego ka gare gomme ya lokolla Petro go tšwa kgolegong! Morongwa yola wa go swana wa Modimo o fa bosegong bjo, le go dira sona selo sa go swana E se dirilego ge E be le le mo lefaseng e bonagaditšwe ka nameng ya motho. Ka baka la eng? O a swana maabane, lehono, le go ya go ile.

¹⁶⁴ A le dumela go kgakgamatšo? Ke a dumela gore Modimo o nyaka batho go dumela go kgakgamatšo. Ke ile kgole go feta nako ya ka. Ke a dumela e ka kgonago go ba kgakgamatšo thwi mo. Amene. Ke a dumela gore Modimo o a rata le go nyaka go tsea batho ba Gagwe le go ipontšha Yenamong. Ge A ka kgonago feela go hwetša monna goba mosadi, mošemane goba mosetsana, go bea fase dikgopolo tša bona beng, le go ba mogolegwa go Yena le go Mo dumela.

¹⁶⁵ Yena ke Lentšu la Gagwe. “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena.”

¹⁶⁶ Gomme bjale O ka go lena, kholofelo ya Letago, wa go swana maabane, lehono, le go ya go ile. O rile, ka go Mokgethwa Johane 14:12, “Yo a dumelago go Nna, mediro ye Ke e dirago o tla e dira le yena.”

¹⁶⁷ O tshepišitše, ka go Mokgethwa Luka, gore, “bjalo ka ge go bile ka matšašing a Sodoma,” ge Kereke ye e kgethilwego, Sehlopha sa Abraham, se tla amogela leswao boka Abraham a amogetše, gomme sehlopha sa Loto se tla amogela leswao boka Loto a dirile.

¹⁶⁸ Ke selo sa go tlaba kudu gore re bile le bampshafatši ba bagolo ba bohle, ba Luther le Wesley, eupša ga se nke ra tsoge ra ba le monna ntle fale ka leina la gagwe le felela ka h-a-m, motseta go lefase. G-r-a-h-a-m, ao ke maletere a tshela. A-b-r-a-h-a-m ke Abraham. Re bile le boMoody, boSankey, Finney, le Knox, Calvin, eupša ga se nke *ham*, “tate go ditšhaba.” Re na le yo motee bjale. Seo ke kgakgamatšo. A le be le tseba seo? [Phuthego e re, “Amene.”—Mor.] Gomme lebelelang, o dira feela tlwa, go ba biletša ka ntle ga Sodoma.

¹⁶⁹ Eupša, elelwang, Abraham o bile le motseta godimo fale go sehlopha sa gagwe, le yena. Amene. Gomme ke mohuta mang wa leswao A le dirilego, ka mokokotlo wa Gagwe o furaletše tente? O rile, “Ke ya go go etela go ya ka nako ya tshepišo ya Ka, go ya ka nako ya bophelo.” Gomme O rile, “O kae mosadimogatša wa gago, Sarah?”

¹⁷⁰ O rile, “O ka tenteng, ka morago ga Gago.” Gomme ge a boletše seo, Sarah o segile go yenamong.

¹⁷¹ O rile, “Gobaneng Sarah a segile, a re, ‘Dilo tše di ka se kgone go ba?’” Le a bona?

¹⁷² Jesu o rile, “Bjalo ka ge go bile ka matšatsing a Loto, go tla ba bjalo ka go tleng ga Morwa wa motho, mediro ye Ke e dirago!” Lentšu la Modimo le bile bjalo. “Ge le dula ka go Nna, Mantšu a Ka a dula ka go lena, kgopelang e ka ba efe ya tšona le ratago, gomme e tla dirwa go bonagala go lena.” Kgakgamatšo, go bona tshepišo Modimo . . . tshepišo ya Modimo, ye e dirilwego lebaka la mengwaga ye dikete tše pedi, gomme maitshwaro a kereke a gogetše batho kgolekgole kudu. Eupša bogareng bja yohle ya yona, Modimo o tla thwi fase gomme a thuntšhetša Lentšu lela thwi morago ka kerekeng ya Gagwe gape, feela tlwa. Ke kgakgamatšo. A le a Mo dumela?

A re rapeleng.

¹⁷³ Ge go na le batho ka fa, bosegong bjo, bao ba tla nyakago go bona kgakgamatšo e dirwa go lena, le go fetola pelo ya gago go tloga go gosedumele, go ya go tumelo go Modimo, a o ka phagamiša diatla tša gago, gomme wa re, “Morena, nkgopole, nkgopole.” Modimo a le šegofatše. Oo, e nong go lebelela diatla!

¹⁷⁴ Tate wa Legodimong, go na le diatla tše dintši kudu, Nka se kgone go re “Modimo a go šegofatše,” yo mongwe le yo mongwe, eupša Wena o tseba bona bohle. Fetola go nagana ga bona, Morena. Oo, a e direge, kgakgamatšo. Ka mehla ba mohuta wa go kobega go dikologa. Ba dumetše tselaseripa, mohlomongwe. Mohlomongwe ba bangwe ba bona ebile ke ba kereke, eupša go le bjalo ga se ba ke ba kopana nako yeo ge ba bile le tokologo yela ya godimo, ba dumetše, le go tseba gore se Modimo a se tshepišitše, Modimo o be a kgona go se dira. Go le bjalo, re bolela go ba peu ya Abraham, yo a sego a tekateka go tshepišo ya Modimo ka gosedumele, eupša o be a tiile, a efa tumišo go

Modimo. Bjale, Tate Modimo, ke rapela Wena, ka Leina la Jesu, go ba le kgaogelo godimo ga bona.

¹⁷⁵ O Modimo, etla fase magareng ga rena, bosegong bjo, sepelela godimo ga rena gomme o re laetše gore O sa le Modimo wa mehlolo. Dira kgakgamatšo, Morena, gomme o laetše gore Lentšu la Gago le sa kgona go hlatha dikgopolole maikaelelo a pelo. O sa le Yena wa go swana yoo a bonagaditšwego ntle fale, yoo Abraham a mmiditšego Elohim, Morena Modimo, Mohlodi, Yena molekanedikamoka, Yena mobagona ka boyena. O Modimo, O sa le Modimo wa Gosafelego, wa go swana maabane, lehono, le go ya go ile, gomme Madi a Morwa wa Gago a hlwekišitše Kereke le go E hlwekiša. Gore, Lentšu, oo, ge feela ba ka be ba Le tšere ntle le go oketša thutotumelo, Morena!

¹⁷⁶ Eupša, bjale, O rile, “Ke nna Morara, lena le makala. Lekala le enywa kenywa ya morara; ka gore bophelo bja morara, bja lekala, bo tšwa go morara.” Re Go leboga bjang bakeng sa se, Morena! E phethagetše bjang!

¹⁷⁷ Gomme ka go letšatši le la gosedumele le ditumelokhwele, le—le mehuta yohle ya dithutotumelo, efela O Modimo wa go swana yoo a emištšego letšatši bakeng sa Joshua. Wena o Yena wa go swana a bilego go lepara leo Moshe a le otlolotšego godimo ga lewatle. Ke Wena Yena yo a swanago yo a kgonnego go bitša dinta, matsetse, digwegwe, eng kapa eng e bego e le yona, ka molomo wa Moshe. O Modimo wa go swana yo a kgonnego go bea pula ka mafaufaung. Ke Wena Yena yo a swanago yo a yago go neša mollo go tšwa lefaufaung. O a swana maabane, lehono, le go ya go ile.

¹⁷⁸ O Morena Modimo, re bontšhe letago la Gago, bosegong bjo, ka go phološa le go tlatša motho yo mongwe le yo mongwe yoo a phagamišitšego seatla sa bona. E fe, Morena. A nke e se ke ya no ba thapelo ye nngwe ya go ema ka boyona. A nke e se be tsela ye nngwe ya kgorothwane ya go phagamiša seatla sa rena, ka tlase ga khuetšo ye nnyane ya—ya se sengwe. Eupša a nke e be go tšwa mabotebong a pelo ya bona, gore batho ba a goeletša, “O Morena Modimo, hlola ka go nna tumelo ye e kgognago go dumela Wena gomme e kgona go amogela Lentšu le lengwe le le lengwe, le go feleletša tshepišo ye nngwe le ye nngwe, ka amene.” E fe, Tate. Ke e neela go Wena bjale, Leineng la Jesu Kriste. Amene.

¹⁷⁹ Go lokile, ke iri ya lesome. Ga ra swanela go ba le mothalo wa thapelo godimo fa. Re ka ba le wona ntle fale. A le a e dumela?

¹⁸⁰ Ke ba bakae ka fa bao ba dumelago gore O a swana maabane, lehono, le go ya go ile, bao ba dumelago gore mosadi yo monnyane yola a kgwathilego seaparo sa Gagwe ka monwana wa gagwe nako yela, O be a—O be a le nameng, o kgwathile kobo ya Gagwe. Go ne kgakgamatšo. O be a sa kgone go e kwa, gomme O retologile go dikologa gomme o rile, “Ke mang a Nkgwathilego?” Gomme ga se a ke a kgona go ikuta ka boyena.

Gomme O mmoditše ka mathata a gagwe, gomme tumelo ya gagwe ya mo fodiša.

¹⁸¹ Gomme Beibele e a bolela, lehono, ka go Bahebere, gore, “Ke Moprista yo Mogolo yo a kgonago go kgwathwa ke dikwi tša mefokolo ya rena.” Ke ba bakae batho ba go babja ba dumelago seo? Phagamiša seatla sa gago. Go lokile, le a e dumela, gomme a re boneng bjale ge eba yeo ke therešo.

¹⁸² O re, “Ngwanešu Branham, seo se tla bjang?” E no dumela Lentšu feelsa ka tsela ye Le ngwadilwego. Le se tsee tlhanogo e ka ba efe, se mothaka *yo* a rego Le ka tsela *ye*, gomme mothaka *yo* o re Le ka tsela *yela*. O Le dumela feelsa ka tsela ye Le ngwadilwego.

¹⁸³ Ge A swanetše go go ahlola ka tsela ye Le ngwadilwego, ka gona gobaneng o tsea tlhathollo ya yo mongwe gape bakeng sa Lona, gobane ke tsela ye e yago go ahlolwa. Feela Leo, Leo ke seelo sa Gagwe. O šeditše godimo ga Lentšu la Gagwe. Ga go selo sa phošo ka yona. Seo e no ba Lentšu tlwa. Leo ke se re tla ahlolwago ka Lona, ke Le, ke Lentšu la Modimo.

¹⁸⁴ “Gomme ge le dula ka go Nna,” yeo ke tumelo, “Lentšu la Ka le dula ka go lena,” gobane Yena ke Lentšu, “gona kgopelang se le se ratago.”

¹⁸⁵ Bjale o kgwatha kobo ya Gagwe, wa re, “Morena Jesu, ke dumela ka pelo ya ka yohle gore re phela mo matšatšing a mafelelo. Ke a dumela O Modimo wa go swana yo a dirilego mehlolo ye yohle modiša wa rena a re laeditše yona, bosegong bjo, ka go Lentšu. Ke a dumela gore O Moprista yo Mogolo. Morena, a nke ke kgwathe kobo ya Gago. Ka gona O bolela ka ngwanešu yo, le—le dittleime tše O di bolelago ka yena. Gomme, ka gona, ga a ntsebe, eupša O a ntseba.” Gomme ka gona bonang ge A se Modimo wa go swana wa mehlolo, gomme fao go be kgakgamatšo gape, selo sa go se puruputšege se motho a sa kgonego go se hlatha le go se bolela.

¹⁸⁶ A o tla e dumela? Ge A ka e dira, gona re a tseba e tla ba kgakgamatšo. A yeo ke nnete? Ke be ke eya go ba le mothalo wa thapelo; Ke ile ka swarelelwa ke seo go fihla ke—ke—ke no tloga go yona, gomme nako e no nyakile e sepetše. O a dumela. A re thomeng godimo . . . Nka se kgone . . .

¹⁸⁷ Ke swanetše go le aragona. A re thomeng ka go lehlakore *le fa*. Yo mongwe ka tsela *ye*. Ke ba bakae godimo *fa* ba tsebago gore ga ke le tsebe goba ga ke tsebe selo ka lena, phagamišang diatla tša lena godimo; gomme o a babja, o a tseba gore o nyaka go kgopela Modimo? Go lokile.

¹⁸⁸ Ba bangwe ba lena ba a dumela, go no—go no tsea se ka pelo ya lena yohle. “Morena Jesu, wa go swana maabane, lehono, le go ya go ile! A nke ke Go kgwathe, Morena. Tumelo ya ka e sepelela go Wena mošola ka seatleng se setona sa Modimo, o dutše ka Bogošing. Gomme Moya wo Mokgethwa wa Gago, wo o bego o

le ka go Wena, o mo bošegong bjo. A ke no kgwatha, ka tumelo, Morena." Gona bonang ge eba O sa le mothomi wa kgakgamatšo, go tliša dilo go phethega tše di sa tsebjego ka go felela. E no ba tlhomphokgolo.

¹⁸⁹ Fa, le bona se thwi fa? Ke mohumagadi wa lekhalaate a dutše thwi morago godimo fa. O tshwenywa ke seemo sa pshio. O sa tšo ba le karo. Ga ke tsebe mohumagadi.

¹⁹⁰ Ke mosetsebje go wena. A yeo ke nnete, mohumagadi? Eupša yeo ke therešo, a ga se yona? A o a dumela gore Modimo wa go swana yoo a kgonnego go botša mosadi yola yo monnyane yoo a kgwathilego kobo ya Gagwe godimo fale, le—le ka lehlakoreng le lengwe la letsha, a o a dumela gore yoo ke Modimo wa go swana? O ka se kgone go nkgwatha, ka sebele, o a tseba. Kafao ke tla no . . . Gomme ga ke go tsebe. Kafao go ne Moprista yo Mogolo, gobane O rile O be a le Moprista yo Mogolo. A yeo ke nnete? Gomme o a e dumela. Ge o be o le fale o e rapelela go ba wena, se sengwe se go rathile, gomme ka pela ke biditše ka yona. A yeo ke nnete? Go lokile.

¹⁹¹ Karo ye o bilego le yona ga se e bonale e atlegile kudu. Ga o be gabotse, le wena, gomme o tšhošitšwe ke yona. Gomme o tla mo bošegong bjo bakeng sa morero woo wa go swana. Ge Morena Jesu a ka nkutollela gore o mang, boka A dirile Simone yola a tlidego godimo, o ka ntumela go ba moprofeta wa Gagwe, mohlanka wa Gagwe? A o dumela seo? Mdi. Pigrum. Yeo ke nnete. Bjale o dumela ka pelo ya gago yohle, o ya gae le go fola. O ya go fola gobane tumelo ya gago e go dira o welwe ke maruru.

¹⁹² A o dumela ka pelo ya gago yohle? Go reng ka go karolo *yeo* e lego ka fa, felotsoko, yo mongwe o a dumela?

¹⁹³ Monna a dutšego ntle fa mo mafelelong, o sotlega ka bothata ka mahlo a gagwe. Ga ke tsebe ge eba o a tseba . . . Ee, o ntshwere bjale. O ikwela Moya. Ee, a o kgona go bona Seetša sela ka godimo ga monna? Mna. Otis, leo ke leina la gago. Ke nna mosetsebje wa go felela go wena, eupša o tshwenyega ka mahlo a gago. Kriste o go dira o welwe ke maruru, tumelo ya gago.

¹⁹⁴ Bjale botšišang monna ge eba nkile ka mmona, ke tsebile e ka ba eng ka yena, goba mosadi yo, goba e ka ba kae go lego. Go na le kgakgamatšo. A le dumela seo? O a swana maabane, lehono. O tshepišitše, "Mediro ye Ke e dirago, le tla e dira le lena." Ke ka mokgwa wo A itsebagaditšego Yenamong go beng Mesia. A yeo ke nnete? Gabotse, O a swana maabane, lehono, le go ya go ile. Gomme le a tseba e ka se kgone go ba nna. Ga se nna Mesia. Ke no ba motho, ngwanabolen. Eupša ke Moya wo Mokgethwa fa, yoo ke Mesia. Yoo ke Moetapele. Ke Yena yo a tsebago. Ga ke tsebe bona batho; ba a e tseba.

¹⁹⁵ Fa, ke nyaka go le bontšha. Go na le mosadi wa lekhalaate o dutše thwi godimo fale ka lehlakoreng, godimo fale, o sotlega ka bothata bja dikodu. A o a dumela gore Modimo a ka kgona

go mpotša gore o mang? Mdi. Kelly. [Kgaetšedi o a lla, “Yo ke nna!”—Mor.] Seo ke therešo. Go lokile.

¹⁹⁶ A o dumela ka pelo ya gago yohle?

¹⁹⁷ Mna. Swanson morago kua, ka bothata bja letšhogo, a o a dumela gore Modimo a ka kgona go go dira o welwe ke maruru? Ge o e dumela ka pelo ya gago yohle! Go lokile, o ka ba le yona. Modimo o go dira o welwe ke maruru.

¹⁹⁸ A le a e dumela? Ga ke tsebe bona batho. Ba botšišeng ge eba ke a ba tseba. Ke kgakgamatšo.

¹⁹⁹ Motsotso feela. Seetša se sese, Se eme godimo ga mosadi. Ke a tseba ke mang. O dutše thwi mo. Se tshwenyega, Mdi. Collins, emiša go tshwenyega ka seo, o itira ka bowena go babja. Yohle e tla tšwela ntłe gabotse. Modimo o a hlaha. Bjale, ke tseba mosadi yola. Ke a tseba ke mang. O tšwa tlase Indiana, goba Kentucky. Ke a mo tseba. Monnamogatša wa gagwe fao, ke leloko la kerekę ya ka, ke—ke letikone tlase kua, monna yo mokaone. Eupša go na le Seetša sela. A ga le Se bone thwi godimo ga gagwe? O be a tshwenyega, o a babja, gomme o nyamile ka se sengwe seo a sa tsebego ge eba go se dira goba aowa. O no elelwa, tlogela go tshwenyega, kgaetšedi, go tla loka. O tseba tšohle ka yona. O tla hlaha ge o ka no Mo lesa a sepela.

²⁰⁰ Amene! Wa go swana maabane, lehono, le go ya go ile, Yena ke kgakgamatšo! Re a e leboga. A le a e dumela?

²⁰¹ Ema ka maoto a gago gona gomme o e amogeče, gomme o re, “Morena Modimo, ke tla go Wena ka Leina la Jesu Kriste, e dira ka go nna, le go tliša letago le ditšhegofatšo le maatla a Gago godimo ga ka. A go tle kgakgamatšo ka pelong ya ka gonabjale. Ke a dumela. Ke a dumela.” Ka pelo ya gago yohle, e dumele.

²⁰² Phagamišang diatla tša lena ge le opela pina ye ya kgale, “Ke a Mo rata, ke a Mo rata gobane O nthatile pele.” Tswalela mahlo a gago. Tswalela dikgopololo tšohle tša gago mong, gomme e no dumelela Jesu Kriste go tla ka go wena, gomme yo mongwe le yo mongwe wa lena o tla fodišwa le go tlatšwa ka Moya wo Mokgethwa.

²⁰³ Kgakgamatšo e tee, bošegong bjo, e tla gotetša se, e swanetše go gotetša lefelo le. Jesu Kriste o mo. Ke mang a ka hlalošago seo? Botšišang batho ba, eyang go bona. Le na le maina a bona le dilo, go theipi ye. Eyang, ba botšišeng. Le a bona, ga ke tsebe selo ka bona. E dira eng? Modimo, ka go lebaka le la bohlale . . .

²⁰⁴ “Pula e ka ba efe e kae lefaufaung,” go boletše saense ya letšatši la Noage, “e kae godimo kua?” Modimo o e tshepišitše! E tlide.

²⁰⁵ Dilo tše di ka direga bjang? Ga ke tsebe. Modimo o e tshepišitše! O a swana maabane, lehono, le go ya go ile. Haleluya! Kgakgamatšo! Ke a Mo rata, ke a Mo rata gobane O nthatile pele, gomme o butše mahlo a ka a go foufala, gore ke kgone go tla ka

gare le go bona Bogona bja Gagwe le go tseba gore O mo. Amene
le amene!

²⁰⁶ A re nong go phagamiša diatla tša rena le go Mo rapela bjale
ge re e opela. Letago go Modimo! A go lebogwe Morena Jesu
Kriste, bakeng sa botho le kgaogelo ya Gagwe! Modimo a le
šegofatše.



KGAKGAMATŠO NST63-0801
(A Paradox)

Molaetša wo ka Ngwanešu William Marrion Branham, setlogong o abilwe ka Seisimane ka Labone mantšiboa, Agostose 1, 1963, ka Marigold Center ka Chicago, Illinois, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org